



BOOK

1

ONE BY ONE

FILIPINO

GLC  ESSENTIALS

GLC ESSENTIALS

BOOK 1: ONE BY ONE (FILIPINO)

3rd Edition

Copyright © 2016 by Global Leadership Center

All rights reserved. No part of this publication may be reproduced, stored in a retrieval system, or transmitted in any form or by any means - electronic, mechanical, photocopy, recording, or any other, without the prior permission of GLC.

Unang Sesyon:	Nag-lisang Katotohanan <i>Ang Ebanghelyo</i>	pahina 7
Ikalawang Sesyon:	Ang Tanging Daan <i>Ang Tagapagligtas</i>	pahina 12
Ikatlong Sesyon:	Nag-lisang Katibayan <i>Ang Bagong Buhay Natin Kay Kristo</i>	pahina 27
Ikaapat na Sesyon:	Nag-lisang Pangako <i>Ang Katiyakan ng Ating Kaligtasan</i>	pahina 35
Ikalimang Sesyon:	Pinagmumulan ng Kapangyarihan <i>Ang Banal na Espiritu</i>	pahina 45
Ikaanim na Sesyon:	Isang Mithiin <i>Ang Paglago ng Ating Relasyon Kay Kristo</i>	pahina 53
	Ano ang Susunod?	pahina 63
	Mga Iminumungkahing Sagot	pahina 65
Appendix A:	Alam Mo Ba Ang Daan ng Diyos Patungong Langit?	pahina 73
Appendix B:	One-Minute Witness™	pahina 81
Appendix C:	Mga Tips sa Paggamit ng "Ano ang Pinakamahalagang Desisyon Mo sa Buhay?"	pahina 97
Appendix D:	Paano Pakikitunguhan ang Iba't Ibang Tugon sa Imbitasyon sa Pagtanggap kay Kristo	pahina 99
Appendix E:	Evaluation Tool Para sa Pagbabahagi ng Mabuting Balita	pahina 103

PAUNANG SALITA

Di maikakailang ang mundong ating ginagalawan ay sadyang magulo. Isang sulyap pa lamang sa mga nilalaman ng balita ay magpapatunay na rito. Mula sa mga nakamamatay na mga sakit hanggang sa mga terorista na pumapatay ng mga taong walang kalaban-laban, mga kalunos-lunos na aksidente sa daan, korupsiyon sa gobyerno at mga kalamidad; araw-araw ay kailangan nating harapin ang masakit na katotohanang ito ng buhay.

Sa paglago ng koneksyon ng ating “global community”, tila ang problema sa isang bahagi ng mundo ay nakakaapekto sa atin na naninirahan sa lugar na libu-libong kilometro ang layo. Sa isang banda, ang isang positibong pagbabago na ginawa ng isang tao ay maaring makatulong upang mapabuti ang buhay ng milyun-milyong tao sa buong mundo. Isipin mo na lang ang mga pagsulong sa teknolohiya, kalikasan, medisina at iba pa na nakakatulong na maging madali ang ating buhay ngayon.

Ang pangkaraniwang tao kaya na tulad natin ay may magagawa para sa panghabang-buhay na pagbabago sa komplikadong mundong ating ginagalawan? Ang mas importanteng tanong ay, ano kaya ang pinakamabuluhang magagawa ng isang tao para sa buhay ng iba sa paghahanap ng kapayapaan, kasiguraduhan at pag-asa sa gitna ng ating mapakaraming alalahanin sa buhay.

Welcome sa Book 1: One by One. Dito sama-sama nating sisiyasatin kung paanong ang panghabang-buhay na pagbabago ay pwede at dapat mangyari muna sa ating sarili, at susunod sa mundo na ating ginagalawan, habang tayo ay humahayo at paisa-isang nakaka-impluwensya ng iba at makaka-impluwensya ng iba pa.

Para bang kwentong pambata? Maaaring hindi. Sa mga susunod na talakayan gamit ang gabay na ito, iyong matutuklasan na may mas malawak na Kuwento sa likod ng mga balita na ating naririnig ngayon. Ang Kuwentong ito ay makakapagbago ng iyong buhay. Ang Kalutasan sa ating pinakamatinding problema ay isang bagay na marahil ay hindi mo pa alam.

PAANO GAMITIN ANG WORKBOOK NA ITO

Ginagamit ang workbook na ito para sa pag-aaral ng GLC Essentials Book 1: One by One. Maaari ring magamit ang aklat na ito bilang gabay sa *Bible study* para sa mga *small groups*.

Kung ikaw ay isang *small group servant/facilitator* ang kailangan mo lang gawin ay siguraduhing personal na pag-aralan ang mga magiging paksa sa *workbook* na ito bago mo ituro sa iyong *small group*. Hikayatin mo rin ang mga miyembro ng iyong grupo na magkaroon ng sarili nilang mga *workbook*. Huwag lumihis sa paksang pinag-aralan sa inyong *workbook*.

Kasama sa *workbook* na ito ang mga aralin sa Biblia, mga gawaing pansarili at pang *small group* na magagamit upang mas maging kapaki-pakinabang ang bawat pagtitipon ninyo. Mayroong limang bahagi ang bawat sesyon: *Explore, Examine, Express, Experience, at Equip*.

- **Explore** — naglalaman ito ng mga gawaing pang-indibidwal at pang-small group na makatutulong sa paghahanda ninyo sa pag-aaral ng Biblia.
- **Examine** — ito ang bahagi na ituturo mo ang aralin sa Biblia sa iyong grupo.
- **Express** — ito ang bahagi kung saan mabibigyan ng pagkakataon ang bawat miyembro ng grupo na maipahayag ang kanilang mga pananaw, tanong at kaalaman tungkol sa aralin sa Biblia na inyong tinatalakay. Maaari nilang gawin ito sa pagsulat, pagguhit, at pagsasalaysay sa mga kagrupu.
- **Experience** — ang bahaging ito hindi ginagawa sa oras ng pagtitipon ng grupo. Ito ay mga iminumungkahing aplikasyon sa buhay na pang-indibidwal at pang-grupo (Life Apps) na makatulong na maranasan mo ang pagbabago sa iyong buhay habang sinusunod mo ang mga Salita ng Diyos o ang mga aral sa Biblia.
- **Equip** — ito ang bahagi na dapat magawa ng iyong *small group* o miyembro ng Dgroup sa pamamagitan ng iyong pagtuturo at paggabay. Ito ang “on-the-job training” para sa bawat miyembro ng Dgroup para maging *discipler* (isang tao na itinalaga ang buhay para sumunod kay Kristo at tulungan din ang iba na italaga ang kanilang buhay para maging tagasunod rin ni Kristo.)

Ang workbook na ito ay isa lamang *tool* (gamit pantulong). Kailangang magdepende tayo sa Banal na Espiritu upang maturuan tayo at para mabago ang ating mga puso habang pinag-aaralan natin ang mga aralin sa *workbook* na ito.

Kaya't halina't tuklasin ang tunay na makakabago ng iyong buhay!

UNANG SESYON

NAG-IISANG KATOTOHANAN

Ang Ebanghelyo

Ano ang ebanghelyo?

“Mabuting Balita” ang literal na kahulugan ng salitang “ebanghelyo” sa wikang Griyego. Ang sagot sa katanungang ito at sa iba pang tanong tungkol sa pananampalatayang Kristiyano ay matatagpuan sa Salita ng Diyos, ang Biblia. At sa pag-aaral ng Biblia ay malalaman natin kung gaano ba kahalaga si Hesus sa ating buhay – gaano Niya tayo kamahal at paano Niya mababago ang ating buhay.

EXPLORE

(PAGSASALIKSIK)

Mabuting Balita

Magbuo ng grupo na may tig-tatlo hanggang apat na miyembro at bigyan ng ilang sandali ang bawat isa na maipakilala ang kanilang mga sarili. Ibabahagi rin nila ang ilang mga bagay-bagay batay sa huling numero ng taon ng kanilang kapanganakan na makikita sa gabay sa ibaba.

Kung nagtatapos ang numero ng taon ng iyong kapanganakan sa:

- 0 – 1: Mabuting bagay na nangyari sa iyo ngayong araw na ito.
- 2 – 3: Mabuting bagay tungkol sa iyong pamilya.
- 4 – 5: Mabuting bagay tungkol sa paborito mong kainin tuwing agahan.
- 6 – 7: Mabuting bagay tungkol sa iyong trabaho o pag-aaral.
- 8 – 9: Mabuting katangian na masasabi mo sa taong nasa kanan mo.

MUNTING KAALAMAN

Gusto ng mga tao na magbahagi ng magagandang bagay na nangyari sa kanila. Ang pinakamagandang balita na ibinigay sa sangkatauhan ay makikita natin sa Biblia. Pero ang malaking tanong ay, ano ba ang “Mabuting Balita”?

ANG MABUTING BALITA

Gusto ng Diyos na muling mabuo ang relasyon ninyong dalawa sa isa't isa.

Mahal tayo ng Diyos

Basahin ang 1 Juan 4:8-9

1. Anong pangunahing katangian ng Diyos ang tinutukoy sa talata?

Basahin ang Juan 10:10

2. Ano sa palagay mo ang ibig sabihin ni Hesus nang sabihin Niya na nagpunta Siya rito sa mundo para bigyan tayo ng buhay na masagana?

Banal din ang Diyos

Basahin ang 1 Pedro 1:15

3. Paano inilarawan ang Diyos sa talatang ito? Ano ang ibig sabihin ng Diyos ay banal?

Nalaman natin na ang pagiging banal at mapagmahal ay parehong katangian ng Diyos. Makikita natin sa mga susunod na talata kung paanong ang dalawang anyong ito ng katangian ng Diyos ay nakaugnay sa Mabuting Balita. Ano ang kinalaman nito sa ating araw-araw na buhay?

Ang Ating Problema:

Makasalanan tayo at hindi sumusunod sa kalooban ng Diyos

4. Paano tayo inilarawan sa Isaias 53:6 bago tayo manampalataya kay Kristo?

Basahin ang Santiago 2:10

5. May pagkakaiba ba ang hindi pagsunod sa isa at ang hindi pagsunod sa lahat ng kautusan ng Diyos? Paano ito makakaapekto sa mga naniniwala na sila ay mabuting tao naman?

Basahin ang Roma 6:23

6. Ano ang magiging bunga ng paggawa natin ng kasalanan? Mayroon bang taong ligtas sa nakalaan na kaparusahan ng Diyos? Bakit?

Sa wikang Griyego, kung saan orihinal na isinulat ang Bagong Tipan, ang salitang kamatayan ay nangangahulugan na pagkahiwalay – kaya ang espirituwal na kamatayan ay ang panghabang-buhay na pagkahiwalay sa piling ng Diyos.

Maraming tao ang may pananaw na sila ay mabuti kaya't dapat lamang na tanggapin sila ng Diyos dahil napakalaki ng pag-ibig Niya sa lahat ng tao. Ngunit kulang ang ating kabutihan kung ihahambing natin ang ating mga sarili sa perpektong kabanalan ng Diyos. Nawalay tayo sa Kanya dahil sa ating mga kasalanan – ang tahasang pagpili sa sarili nating kagustuhan kaysa sumunod sa kagustuhan ng Diyos. Ito ay pagrerebelde.

Tunay na hindi ito magandang balita dahil gustuhin man ng Diyos na mabuong muli ang relasyon natin sa Kanya, tayo ay nahiwalay sa Kanya dahil sa ating mga kasalanan. Mayroon bang solusyon sa problemang ito?

Ipinadala ng Diyos si Hesus upang bayaran ang ating mga kasalanan

7. Ano ang ginawa ng Diyos ayon sa Roma 5:8 at Juan 3:16?

Ang Sakripisyo ng Kanyang Anak

Ito ay kuwento ng isang opereytor ng *drawbridge* (tulay na may bahagi na naitataas at naibababa) na ang trabaho niya sa bawat araw ay magbaba ng tulay upang makaraan ang pampasaherong tren at magtaas nito upang makaraan naman ang barko sa ilalim. Sa bawat araw ay sinasalubong siya ng ngiti at kaway ng mga pasahero na nakasakay sa dumaraan na tren.

Isang araw, isinama ng opereytor ang kanyang anak sa kanyang trabaho. Ipinakita niya ang mga malalaking *gear* at *pulley* na gumagana sa pagtaas at pagbaba ng tulay, pati na rin ang magandang tanawin sa paligid ng ilog at maraming barko na nagdaraan sa ilalim ng tulay.

Habang naghahanda siya upang ibaba ang tulay, may narinig siya na nakagugulat na ingay – nahulog ang kanyang anak sa mga gear ng tulay at naipit! Habang tumatakbo ng mabilis ang paparating na tren, siya naman ang naipit sa mahirap na kalagayan – puwede niyang alisin sa pagkakaipit ang kanyang anak subalit alam niya na marami ang mamamatay dahil babangga ang tren sa nakataas na tulay; o puwede niyang patuloy na ibaba ang tulay subalit ang kapalit nito ay ang buhay ng kanyang anak. Habang pumapatak ang luha sa kanyang mga mata, pinili niyang ibaba ang tulay. Isinakripisyo niya ang buhay ng kanyang anak upang mailigtas ang buhay ng mga pasahero.

Isa Pang Hatol ng Kamatayan

Noong June 14, 1830 ang presidente ng Amerika na si Andrew Jackson ay binigyang-laya o parol ang hinatulan ng bitay ng hukuman ng silangang distrito ng Pennsylvania sa salang pagnanakaw na si George Wilson. Subalit noong Oktubre 21, 1830 humarap si George Wilson sa korte at kanyang sinabi na “wala na siyang nais sabihin at ayaw niyang tanggapin ang parol na ibinibigay sa kanya.” Nakakalungkot, “walang magawa ang hukuman upang siya ay palayain dahil ayaw niyang tanggapin ang inaalok na kalayaan... ito ay isang kaloob sa kanya... hindi niya ito makukuha kung hindi niya tatanggapin...”

Pinanggalingan:

<https://www.law.cornell.edu/supremecourt/text/32/150>

Parang hindi kapani-paniwala ngunit maraming tao ngayon ang hindi tinatanggap ang inaalok na kapatawaran ni Hesus.

- Mayroong masyadong nagmamalaki na ayaw tanggapin ang inaalok na kapatawaran mula sa Diyos.
- Mayroong ang pakiramdam ay kailangan munang gumawa ng mabuti upang sila ay maging karapat-dapat sa inaalok na kapatawaran ng Diyos.
- Mayroong naniniwalang may iba pang paraan upang mapatawad ng Diyos at ipinipilit na gawin nila ito sa sarili nilang paraan.

Lahat tayo ay maaaring pumili kung tatanggapin o tatanggihan ang alok na kapatawaran na ibinibigay sa atin ni Hesus. Nakapagdesisyon ka na ba na tanggapin ang inaalok Niyang kapatawaran para sa iyong mga kasalanan?

Kung hindi pa, maaari mong tanggapin itong regalo ng Diyos ngayon din sa pamamagitan ng pananampalataya. Ang isang paraan ng pagpapahayag ng pananampalataya sa Kanya ay sa pamamagitan ng panalangin. Ang panalangin ay pakikipag-usap sa Diyos at pagpapahayag sa Kanya ng nilalaman ng ating mga puso. Maaari mong buksan ang iyong puso ngayon sa Diyos at tanggapin ang inaalok Niyang kaligtasan sa pamamagitan ng simpleng panalangin tulad nito:

Panalangin:

Panginoong Hesus, maraming salamat po sa Iyong pagmamahal sa akin. Patawarin Mo po ako sa aking mga kasalanan. Salamat po sa Iyong pagkamatay sa krus nang dahil sa aking mga kasalanan. Sa tulong Mo ay tatalikuran ko na ang aking mga kasalanan. Simula sa araw na ito, nagtitiwala po ako sa Iyo at Ikaw na ang aking Panginoon at Tagapagligtas. Tinatanggap po Kita sa aking puso at nais kong pangunahan Mo ang aking buhay mula ngayon. Salamat po sa kapatawaran ng aking mga kasalanan. Tinatanggap ko po ang inaalok Mong buhay na walang hanggan. Salamat po dahil alam ko na darating ang araw na makakapiling po Kita sa Iyong kaharian. Mula sa araw na ito, ako po ay susunod na sa Iyong kalooban. Amen.

EXPERIENCE (PAGSASABUHAY)

Kung nagdesisyon ka na tanggapin si Hesus bilang sarili mong Panginoon at Tagapagligtas, ikaw ay pumasok sa walang hanggang pakikipag-relasyon sa Diyos. Basahin ang susunod na talata na naglalaman ng iyong pangako sa Diyos. Pagkatapos, ito ay pirmahan at lagyan ng petsa bilang tanda na magpapaalala ng iyong pangako sa Panginoon.

“Panginoong Hesus, mula sa araw na ito, nagtitiwala po ako sa Inyo bilang Panginoon ko at sarili kong Tagapagligtas, at nasa akin na ang inalok Mong buhay na walang hanggan. Nangangako po akong mamahalin at susundin Kita habang ako ay nabubuhay.”

LAGDA

.....

PETSA

.....

EQUIP (PAGSASANAY)

On-the-Job Training (15 minuto)

Babasahin sa iyo ng iyong *discippler* ang “Ano ang Pinakamahalagang Desisyon Mo sa Buhay?” na *booklet*. Ang *booklet* na ito ang madalas nating ginagamit sa CCF upang ibahagi ang Mabuting Balita sa ating mga mahal sa buhay, mga kaibigan, mga kamanggagawa at sa iba pa. (Tingnan ang Appendix A).

Tingnan ng mabuti kung paano niya ito ginagawa.

IKALAWANG SESYON

ANG TANGING DAAN

Ang Tagapagligtas

Ilan ba ang daan tungo sa kaligtasan?

Maraming kaisipan kung paano maliligtas at kung paano makatitiyak na makakapiling natin ang Diyos sa buhay na walang hanggan. May ilang katotohanan ang karamihan sa mga kaisipan na ito subalit kung pag-iisipan pa nating mabuti, makikita natin na marami ang salungat sa Diyos sa sinasabi Niya sa Kanyang mga Salita. Sa Biblia lamang natin makikita ang totoong paraan kung paano makakatiyak na posible ang kaligtasan. Itinatama nito ang marami nating maling kaisipan tungkol sa pagiging ligtas. Anu-ano ang karaniwang mga saloobin o damdamin na mayroon tayo patungkol sa kaligtasan?

EXPLORE (PAGSASALIKSIK)

Nagkamali Na Ako Noon

Sa inyong *small group*, isa-isang mag bigay halimbawa ng mga paniniwala o pamahiin na akala mo ay totoo noon ngunit hindi naman pala totoo.

Halimbawa:

Dati naniniwala ako na mabubulag ako kapag natulog ako ng basa ang buhok.

Akala ko si Santa Claus ang naglalagay ng regalo sa isinasabit kong medyas tuwing Pasko.

MUNTING KAALAMAN

Hindi naman makakasakit ang ilang mga maling kaisipan katulad nito – kailanganag gumising ng maaga sa unang araw ng Bagong Taon para magising ka ng masaya sa loob ng isang buong taon. Subalit may ibang maling kaisipan na maaaring magdudulot ng kapahamakan gaya ng pagtalon sa mataas na gusali dahil sa kaisipan na gaya ng ibon, ipinanganak siya na may kakayahang lumipad. Sa isang banda, ang tamang kaisipan ay magdudulot ng kabutihan sa atin gaya ng paniniwala na magbibigay sa atin ng malusog na pangangatawan ang tamang diyeta sa pagkain ng prutas at gulay. Pagdating sa espirituwal na bagay, may matinding epekto ito hindi lamang sa kasalukuyan nating buhay kundi pati na rin sa kabilang buhay.

Nagkaroon ka na ba ng mga saloobin tulad nito?

I. “Ililigtas ako ng Diyos, hindi naman ako masama.”

Maaaring narinig mo na ito o naisip, “Dahil mabuting tao naman siya, hindi siya itatapon ng Diyos sa impiyerno.” O di kaya, “Hindi naman ako perpekto pero mas mabuti naman ako kaysa sa kanya kahit na lagi siyang nagsisimba.”

Sa dalawang kaso na ito, ang ginagamit na pamantayan kung dapat bang maligtas ang isang tao ay kung gaano sila kabuti kumpara sa ibang tao. Sa tingin natin higit na may karapatan na mapunta sa langit ang isang tao na medyo mabait ayon sa pamantayan ng tao kaysa tao na hindi masyadong mabait. Pero hindi ito ang itinuturo ng Biblia.

Basahin ang Roma 3:10-12

1. Ano ang sinasabi ng mga talata na ito sa atin tungkol sa kabutihan ng tao?

Sasang-ayon ang sinuman na may ilang tao na mas mabuti pa kaysa iba. Subalit kapag hinusgahan na tayo ng Diyos, huhusgahan Niya tayo ayon sa ibang pamantayan.

Basahin ang Santiago 2:10

2. Ano ang resulta ng pagsuway sa kautusan ng Diyos, kahit isa lang, ayon sa talatang ito?

Malinaw na itinuturo ng mga talata na ang pagiging mas mabuti kaysa sa ibang tao ay hindi sapat upang tayo ay maligtas. Kung kabutihan lamang ang sukatan ng isang tao upang maligtas, dapat ay maging banal siya katulad ng pagiging banal ng Diyos.

Sa panahon ni Hesus, maraming mga Hudyo ang may ganitong pananaw at kabilang sa kanila si Pablo. Ngunit nang manampalataya siya kay Kristo, nagkaroon ng matinding pagbabago ang kanyang pananaw.

Basahin ang Mga Taga-Galacia 2:15-16

Basahin ang Lucas 18:9-14

3. Dalawang tao ang pinaghambing ni Hesus sa kuwentong ito. Paano isinalarawan ang Pariseo? Paano isinalarawan ang kolektor ng buwis? Sino ang idineklarang matuwid sa harapan ng Diyos? Bakit?

II. “Ililigtas ako ng Diyos kung sapat ang gagawin kong mabubuting gawa.”

Maraming mga tao ang naniniwala na hahatulan tayo ng Diyos sa pamamagitan ng pagtimbang sa ating mga mabubuti at masasamang gawa. Subalit makikita natin sa Biblia na hindi ito ang pagbabatayan kung maliligtas tayo sa oras na kaharap na natin ang Diyos.

Basahin ang Mga Taga-Efeso 2:8-10

4. Ayon sa talatang 9, makakamit ba natin ang ating kaligtasan sa pamamagitan ng mabubuting gawa – halimbawa: pagtulong sa kapwa, pagsisimba, at iba pa? Paano maliligtas ang tao? Ayon dito, paano mo maipapaliwanag ang biyaya ng Diyos?
5. Ang kaligtasan ay maituturing na isang “regalo” dahil binayaran na ito ni Hesus sa pamamagitan ng kanyang pagkamatay sa krus. Paano mo matatanggap ang regalong ito? Kailangan mo ba itong bayaran?

Ayon sa mga talata sa itaas, ano ang tamang pormula para sa kaligtasan?

A. PANANAMPALATAYA KAY HESUS + MABUBUTING GAWA = KALIGTASAN

Halimbawa: MABUBUTING GAWA (pagbigay tulong sa kapwa, pananalangin, paggawa ng mabuti laban sa kasalanan)

B. PANANAMPALATAYA KAY HESUS = KALIGTASAN, na nagbubunga ng mabubuting gawa.

B ang tamang pormula.

Malinaw mula sa Biblia na ang kaligtasan ay hindi resulta ng ating mga mabubuting gawa. Kulang ang ating kabutihan para bigyang kaluguran ang Diyos dahil Siya ay matuwid at banal. Ito ang dahilan kung bakit kailangan natin ng Tagapagligtas.

III. "Hindi ako ililigtas ng Diyos dahil napakasama ko."

Madalas resulta ang kaisipan na ito ng naunang pananaw sa itaas. Maaaring ito ang nararamdaman mo ngayon. Base ang pananaw na ito sa parehong kaisipan na "Ililigtas lamang ng Diyos ang mga tao na napakabuti sa paningin Niya." Ngunit ayon sa nauna nang natalakay, totoo ba ito?

Ang Magnanakaw sa Krus

Basahin ang Lucas 23:39-43

6. Anong klase ng tao ang kasama ni Hesus na nakapako sa krus? Mabubuti ba silang tao? Ano ang ipinangako ni Hesus sa kriminal na humingi ng awa? May ginawa ba siya para masabing karapat-dapat sa kaligtasan? Ano ang ipinakita niya nang sabihin niya kay Hesus na alalahanin siya pagdating Niya sa paraiso? Paano naman ito tinugon ni Hesus?

Pananaw ng Diyos sa Kaligtasan

Basahin ang Mga Awit 103:8-13

7. Ano ang sinasabi ng mga talatang ito tungkol sa inaalok ng Diyos na kapatawaran? Ipinahayag mo na ba kay Hesus ang iyong pananampalataya sa Kanya para sa iyong kaligtasan? Kung hindi pa, nais mo bang gawin ito ngayon?

Kung oo, manalangin ka lamang ng may pananampalataya na iniimbitahan mo Siya sa iyong buhay bilang iyong Panginoon at Tagapagligtas katulad ng panalangin na makikita sa hulihan ng unang sesyon.

Kung nagawa mo na ito, magpasalamat ka sa Diyos na iniligtas ka Niya, pinatawad sa iyong mga kasalanan at binigyan ka Niya ng bagong buhay. Ito ang Mabuting Balita, o ang ebanghelyo.

EXPERIENCE (PAGSASABUHAY)

Ano ang iyong mga maling pananaw na pinaniniwalaan mo noon tungkol sa kaligtasan? Ngayong alam mo na kung paano ka maliligtas, ano ang kakaibang gagawin mo ngayong linggong ito?

Isinasaad sa Mga Taga-Efeso 2:10 na ang paggawa ng kabutihan ay itinakda ng Diyos na gawin natin. Ito ay bunga ng ating pananampalataya kay Kristo. Anong mabuting bagay ang iyong magagawa ngayong linggong ito na magpapakita ng iyong pananampalataya sa Kanya?

EQUIP

(PAGSASANAY)

On-the-Job Training (30 minuto)

Binasa ng iyong *discipler* noong nakaraang linggo ang “Ano ang Pinakamahalagang Desisyon Mo sa Buhay?” na *booklet* sa iyo. Ngayon, pagkakataon mo naman na basahin ang *booklet* sa kanya. Basahin mo lang ang *booklet* kagaya ng pagbabasa ng discipler mo sa iyo noong nakaraang sesyon. Tingnan ang mga Appendix C at D para sa mga tip na makatutulong sa paggamit ng *booklet*.

Pagkatapos mong basahin ang *booklet*, sasabihin sa iyo ng iyong discipler ang kanyang mga obserbasyon sa kung papaano mo ito binasa. (Tingnan ang Appendix E para sa *evaluation tool*.)

ISANG SIMPLENG ACTION PLAN:

PRAY, CARE, SHARE

(PAGDARASAL, PAGKALINGA, PAGBABAHAGI)

Pray (Pagdarasal) – Ipanalangin ang mga tao na nais mong abutin at manalangin kasama nila. Una, maglista ng sampung (10) pangalan na sisimulan mong ipanalangin para mapalapit kay Kristo. Susunod, humanap ng oportunidad na manalangin kasama sila. Maaaring hindi pa handa ang ilan na makipag-usap sa iyo tungkol sa mga espirituwal na bagay, pero mayroon namang pumapayag na ipanalangin mo sila. Tanungin mo lang, “Ano ang maaari kong ipanalangin para sa iyo?” Ipanalangin mo kapag pumayag sila. Pagkatapos, balikan mo ulit ang iyong listahan para makita mo kung paano sumagot ang Diyos sa iyong mga dalangin.

Care (Pagkalinga) – Iparamdam ang pagmamalasakit sa mga tao sa iyong buhay. Humanap ng paraan na maaari kang makapagbahagi ng kabutihan sa kanila. Maraming paraan para maipakita mo ito – ilibre mo sila sa isang *coffee shop*, pagdadala ng pasalubong kung may sakit sila, pagpapadala ng maliit na regalo sa kanila o nakaka-*encourage* na *text messages* sa *cellphone*. Maaaring mapaisip sila kung bakit mo ito ginagawa – kung tanungin ka nila, sabihin mo na mahal mo sila at nais mong iparamdam sa kanila ang pagmamahal na ito.

Share (Pagbabahagi) – Ibahagi ang Mabuting Balita sa kanila kung mabigyan ka ng Panginoon ng pagkakataon. Maraming paraan para maibahagi ito at narito ang dalawa:

1. **Ano ang Pinakamahalagang Desisyon Mo sa Buhay?** Nakabuo ang CCF ng simpleng presentasyon na nasa *booklet* na maaari mong basahin sa iyong kaibigan para maipaliwanag ang ebanghelyo at maakay siya sa pananampalataya kay Kristo.
2. **Book 1: One by One.** Ngayong dumaan ka na sa pag-aaral ng One by One, makakatulong ka na sa mga hindi pa nakakakilala kay Kristo sa pamamagitan ng pagtuturo nito sa kanila. Ipinapaliwanag sa unang dalawang sesyon ang ebanghelyo at kung paano maaaring makapanampalataya ang isang tao kay Kristo.

Naglalaman ang PCS Packet ng mga tools na magagamit mo upang makatulong sa iyo na magawa ang Pray-Care-Share (Pagdarasal-Pagkalinga-Pagbabahagi) kahit nasaan ka man. Maaari mong mabili ito sa GLC Booth tuwing Linggo.

PRAY (PAGDARASAL)		CARE (PAGKALINGA)		SHARE (PAGBABAHAGI)	
IPAPANALANGIN KO SI...	KALLAN	PAANO MAIPAPARAMDAM ANG PAGKALINGA	KALLAN	ANO ANG GAGAWITIN KO SA PAGBABAHAGI	KALLAN
1. George	Martes, 8pm	Ilibre ng kape	Set. 9	Testimony ko	Okt. 30
2.					
3.					
4.					
5.					
6.					
7.					
8.					
9.					
10.					

IKATLONG SESYON

NAG-IISANG KATIBAYAN

*Ang Bagong Buhay
Natin kay Kristo*

Paano ko malalaman na ako ay may buhay na walang hanggan?

Sa naunang dalawang sesyon, malinaw na sinasabi sa Biblia na hindi tayo maliligtas sa pamamagitan ng mabuting gawa, pagiging relihiyoso, o pamamanata. Naligtas tayo dahil sa biyaya ng Diyos sa pamamagitan ng ating pananampalataya sa sakripisyong ginawa ni Kristo para sa kabayaran ng ating mga kasalanan. Hindi tayo naligtas dahil mabuti tayo, ngunit dahil napakabuti ng Diyos, Siya ang gumawa ng paraan para maligtas tayo.

Gayundin naman, nagbabala ang Biblia na hindi lahat ng tao na nag-iisip na ligtas sila ay makakaranas ng buhay na walang hanggan.

Ayon sa Mateo 7:21, sa araw ng paghuhukom, hindi lahat ng nagsasabi sa Kanya ng “Panginoon, Panginoon” ay tunay na ligtas. Kung ganon, maaari ba tayong makasiguro?

EXPLORE (PAGSASALIKSIK)

Mag-isip at magbahagi kayo sa inyong grupo ng sampung (10) pelikula, teleserye sa TV o mga kanta na may temang walang hanggang buhay, pagiging imortal, at walang hanggang pag-ibig. Halimbawa, ang awiting “Ngayon at Kailanman” (1977) na isinulat ni George Canseco at inawit ni Basil Valdez, ay may lyrics ito na ganito,

*Ngayon at kailanman
Sumpa ko'y iibigin ka
Ngayon at kailanman
Hindi ka na mag-iisa
Ngayon at kailanman
Sa hirap o ginhawa pa
Asahan may kasama ka, sinta
Naroroon ako t'wina
Maaasahan mo t'wina
Ngayon at kailanman*

Pag-isipan rin ninyo kung may alam kayong mga international o banyagang mga kanta, pelikula, teleserye, at iba pa na mula sa nakaraang panahon hanggang sa kasalukuyan.

MUNTING KAALAMAN

Saang panahon man tayo galing makakatagpo pa rin natin ang temang “walang hanggang buhay” o “walang hanggang pag-ibig” sa *popular media*. Nagpapatunay lamang ito na anumang edad o kultura, may malalim na nasain o pananabik ang tao para sa buhay na walang hanggan. Nagbigay ng matapang na pahayag si Hesu-Kristo (7-2 BC hanggang 30-33 AD) na Siya ang pinagmumulan ng buhay na walang hanggan. Pahayag ito na nakakapukaw pansin at magpapaisip sa atin na mag-imbetiga sa isang bagay na dapat nating isaalang-alang at bigyang halaga.

MAARI NATING MALAMAN!

Basahin ang 1 Juan 5:11-13

1. Ano ang ipinangako sa mga talatang ito? Ayon sa talata, sino ang binigyan ng buhay na walang hanggan? Posible ba nating malaman kung tayo ay may buhay na walang hanggan? Paano tayo makatitiyak?

Pagkilala sa Pastol

Ang kuwento tungkol sa Mabuting Pastol ang isa sa pinakamabisang paglalarawan ng katiyakan ng ating relasyon kay Kristo.

Basahin ang Juan 10:11-14; 27-30

2. Ano ang pagkakaiba ng mabuting pastol at ng “upahang pastol”? Ano ang ginagawa ng mga upahan kapag hindi na maganda ang nangyayari? Ano ang ginagawa ng Mabuting Pastol, si Hesus, para sa mga tupa?

3. Ano ang garantiya na hindi tayo maaagaw mula sa Kanyang mga kamay? (*Juan 10:28-29*)

Ang katibayan ng ating bagong buhay kay Kristo

Isang paraan para makasiguro tayo sa ating relasyon kay Kristo ay ang makakita ng katibayan – isang buhay na binago. May binabanggit ang Biblia na mga paraan para malaman natin na talagang nanahan na ang Diyos sa ating kalooban at nagsisimula na Siyang kumilos sa ating mga buhay.

Basahin ang 2 Mga Taga-Corinto 5:17

4. Ano ang sinasabi ng talatang ito na mangyayari kung talagang nasa buhay na ng isang tao si Kristo? Ikaw, ano ang inaasahan mong mangyayari matapos mong tanggapin si Kristo sa iyong buhay?

Dalawang mga marka ng ating bagong buhay: Pagsunod at Pag-ibig

Basahin ang 1 Juan 2:3-6

5. Paano natin masasabi na nakikilala na nga natin ang Diyos? Ano ang ebidensya na binanggit ni Juan na kailangang makita sa buhay ng isang tao bilang bunga at katibayan ng kanyang pananampalataya?

Basahin ang 1 Juan 2:7-11

6. Paano tayo dapat makikipag-ugnayan sa isa't-isa? Sa paanong paraan ito nagpapakita ng relasyon natin kay Kristo?

Basahin ang Tito 2:11-12

7. Paano kumikilos ang biyaya ng Diyos sa ating mga buhay?

Tulad ng makikita mo sa mga talatang ito, asahan mo ang pagbabago sa iyong sarili bilang resulta ng iyong karanasan sa kapangyarihan ng Diyos na magligtas. Sinasabi sa atin sa Biblia na makakaranas ng pagbabago ang tunay na mga mananampalataya – nanaisin nila ang sumunod sa kagustuhan ng Diyos at magsisimulang mahalín ang kapwa sa paraan na hindi pa nila naranasan noon.

Bagamat hindi magiging perpekto ang sinuman, patuloy na lumalago tungo sa pagkakatulad kay Kristo ang mga tao na mayroong tunay na relasyon sa Kanya.

Napapansin at nararanasan mo na ba ang pagkilos ng Diyos sa iyong buhay? Kung gayon, iyan ang katiyakan na nagsimula ka na sa iyong walang hanggang relasyon sa ating Mabuting Pastol!

Maglaan ng ilang sandali upang manalangin at pasalamatan ang Diyos para sa mga pagbabago na sinisimulan na Niyang gawin. Kung hindi mo pa nararanasan ito, hilingin mo na tulungan ka Niyang magtiwala sa Kanya upang maranasan mo ang pagkilos Niya sa iyong buhay.

EXPERIENCE

(PAGSASABUHAY)

1. Paanong naging mabuti para sa iyo ang pagbabagong ito sa iyong ugali? Sa anong paraan naging isang hamon ito para sa iyo?

2. Paano nakikita sa iyong mga gawa ang pagbabagong ito?

EQUIP

(PAGSASANAY)

On-the-Job Training (30 minuto)

Babasahin sa iyo ng iyong discipul ang One-Minute-Witness training. (Tingnan ang Appendix B).

Magpraktis ng iyong kasanayan ng one-minute witness sa mga tao na kilala mo ngayong linggong ito. Puwede mong kausapin ang sinumang miyembro ng iyong pamilya na tulungan ka sa pagpraktis ng iyong kakayahan.

Patuloy mong gawin ang Pray-Care-Share na natutunan mo sa pagbabahagi ng Mabuting Balita sa ibang tao.

IKA-APAT NA SESYON

NAG-IISANG PANGAKO

*Ang Katiyakan ng
Ating Kaligtasan*

Sa nakaraang sesyon, nalaman natin na maaari tayong magkaroon ng kasiguruhan ng pagkakaroon ng isang pang-walang hanggang relasyon sa Diyos. May mga pagkakataon na maaaring hindi ganito ang ating pakiramdam – marahil maaaring mabigo natin Siya at masira ang relasyon na ito.

EXPLORE (PAGSASALIKSIK)

Magsalitan kayo sa pagsagot sa inyong *small group* sa mga tanong sa ibaba:

Ano ang isa o dalawang mga bagay sa iyong buhay na siguradong-sigurado ka?

Ano ang isa o dalawang mga bagay na nais mong makasiguro ka sa iyong buhay?

MUNTING KAALAMAN

Ang pangako ay kasing tibay lamang ng taong nagbitaw nito. Nakakapagbitaw tayo ng pangako na gusto nating matupad pero dahil sa mga limitasyon bilang tao wala tayong abilidad na matupad ang lahat ng mga ito. Kaya naman hindi rin natin maibigay ang ganap na garantiya na magagawa natin ito ayon sa ating ipinangako. Isang makapakangyarihan at kataas-taasang Diyos lamang ang tanging makakapagbigay sa atin ng kasiguruhan na mangyayari ang lahat ng Kanyang mga ipinangako.

Nangako Siya na hindi Niya tayo iiwan

Basahin ang Mga Hebreo 13:5-6

1. May pangako ba ang Diyos na hindi Niya magagawa?

2. Ano ang ibig sabihin nito sa ating ugnayan kay Kristo?

“Ngunit paano kung sumuway ako?”

Nakakatuwang malaman na nangako si Kristo na HINDI Niya tao iiwan kapag mayroon na tayong relasyon sa Kanya. Pero paano kung nagkasala tayo o sinuway natin siya? Ano ang mangyayari sa ating relasyon kay Kristo?

Kung sumampalataya ka at tinanggap mo si Kristo bilang iyong Tagapagligas at Panginoon, ikaw ay naging tagasunod na ni Kristo – isa ka ng Kristiyano. Ikaw ay isa nang anak ng Diyos!

Nalaman natin sa Juan 1:12-13 (MBB)

¹² Ngunit ang lahat ng tumanggap at nanalig sa Kanya ay pinagkalooban Niya ng karapatang maging anak ng Diyos.

¹³ Sila nga’y naging anak ng Diyos, hindi dahil sa isinilang sila ayon sa kalikasan, ni sa pita ng laman o sa kagagawan ng tao. Ang pagiging anak nila ay buhat sa Diyos.

Permanente ang relasyon natin na ito sa Diyos. Hindi ito magbabago. Subalit minsan nagkakaroon ng mga problema at hindi pagkakaintindihan sa loob ng pamilya na nakakaapekto sa pakikitungo natin sa bawat isa. Nagbigay ang Biblia ng mabisang pagsasalarawan ng katotohanan na ito sa popular na kuwento ni Hesus.

Ang Kuwento ng Alibughang Anak

Basahin ang Lucas 15:11-24

3. Ano ang relasyon na namamagitan sa dalawang pangunahing tauhan sa kwentong ito? Nawala ba ang kanyang pagiging anak matapos itong umalis sa poder ng kanyang ama?

Ano sa tingin ninyo ang naging epekto ng ginawa ng alibughang anak sa relasyon nila bilang mag-ama: una, noong umalis siya; at pangalawa, nang bumalik siyang muli sa kanila?

Ikaw at ang Alibughang Anak

Larawan ang istoryang ito ng ating relasyon sa Diyos. Naging mga anak tayo ng Diyos nang tinanggap natin si Hesus sa ating mga buhay (Juan 1:12). Nangako Siya na hindi Niya tayo iiwan o pababayaang (Mga Hebreo 13:5). Pero nakakagawa (at madalas na nakakagawa) tayo ng kasalan. Nababago ba ang ating kaugnayan sa Kanya?

Naglalarawan ng magandang sagot ang kwentong ito. Kahit nilustay na ng alibughang anak ang kinuhang mana at di niya nirespeto ang kanyang ama, hindi naputol o nawala ang pagiging anak niya. Gayundin naman ang mangyayari sa atin; mga anak pa rin tayo ng Diyos kahit na tayo ay nakakagawa ng kasalanan. Hindi magbabago ang ating relasyon.

Pero ang naapektuhan dito ay ang ating **fellowship** sa Kanya. Dahil sa kasalanan nahihiya tayo at pakiramdam natin ay napakalayo natin sa Diyos. Natigil ang malapit at mainit nating relasyon sa ating Amang nasa langit pero hindi ibig sabihin nito na naputol na ang ating relasyon sa Kanya. Nakahanda at naghihintay lamang ang Diyos na manumbalik tayo sa Kanya at muling ibalik ang saya ng ating kaligtasan. Kailangan tayong bumalik sa ating Ama, magpakumbaba sa harapan Niya, at humingi ng tawad sa Kanya.

Pagbabalik ng ating *fellowship* sa Diyos

Paano maibabalik ang magandang relasyon natin sa Diyos kapag nagkasala tayo?

Basahin ang 1 Juan 1:8-9

4. Ano ang gagawin natin kung nagkasala tayo sa Diyos? Ano ang ipinangako sa talatang ito na gagawin ng Diyos kung ihihingi natin ng tawad ang ating mga kasalanan sa Kanya?

Basahin ang 1 Timoteo 2:5-7

5. Sino ang nag-iisang *mediator* o tagapamagitan sa Diyos at sa tao? (Ang mediator ang tumatayong tagapamagitan ng dalawang partido upang madaling maisaayos ang isang kasunduan)? Bakit ito mahalagang isaisip sa ating paghingi ng tawad sa Diyos?

Sinabi sa Mga Hebreo 10:19-22 na si Hesus na ang gumawa ng paraan para makadiretso tayo sa Diyos. Ibig sabihin nito na mayroon tayong napakalaking pribilehiyo na makalapit sa Diyos ng may lakas ng loob pero may kalakip na pagpapakumbaba.

Sinabi sa atin ng Biblia na kayang maibalik ang ating magandang relasyon sa Diyos sa pamamagitan ng diretsong paglapit sa Kanya, paghingi ng tawad, at muling paghangad na makasunod at maglingkod sa Kanya. Hindi na natin kailangang lumapit sa kung sinu-sino para ihingi ng tawad ang ating mga kasalanan. Hindi na natin kailangan ang tulong ng iba pang mediator – may pribilehiyo na tayong makalapit ng direktso sa ating Amang nasa langit na sa pamamagitan ni Hesus ay nais ibalik an ating masayang relasyon sa Kanya.

Sandali lang...

Para bang napakadali naman. Hindi ba pwedeng maabuso ito? Ibig bang sabihin puwede na tayong gumawa ng kasalanan kahit anong oras kasi patatawarin naman pala tayo ng Diyos?

Posible na magkaroon tayo ng maling konklusyon na dahil mapagbigay ang Diyos at pinatatawad ang lahat ng ating mga kasalanan, maaari na tayong gumawa ng kasalanan at wala naman pala itong kaparusahan. Subalit hindi ito ang itinuturo ng Biblia.

Basahin ang 1 Juan 3:6, 9-10

6. Ayon sa mga talatang ito, paano dapat namumuhay ang mga anak ng Diyos? Paano ito nauugnay sa mga taong sa tingin nila ay puwede na silang gumawa ng kasalanan ano mang oras dahil alam nilang patatawarin sila ng Diyos?

Basahin ang Mga Hebreo 12:9-11

7. Paano tinutulungan ng mga ama ang kanilang mga anak para lumaking responsable?

Napag-isip-isip mo ba kung pwede mo kayang gawin ang anumang gusto mo na di isasaalang-alang ang kalooban ng Diyos? Intindihin mo ang sabi sa Mga Taga-Galacia 6:7-8 (MBB):

“Huwag ninyong linlangin ang inyong sarili; ang Diyos ay di madadaya ninuman. Kung ano ang inihasuk ng tao, iyon din ang kanyang aanihin. Ang nagsisikap sa mga bagay ukol sa laman ay aani ng kamatayan. Ang nagsisikap sa mga bagay ukol sa Espiritu ay aani ng buhay na walang hanggan.”


May dalawang bagay ang sinasabi ng mga talatang ito.

Una, hindi gagamitin ng totoong mga mananampalataya ni Hesus ang pangako na biyaya at kapatawaran ng Diyos bilang dahilan upang mabuhay sa kasalanan. Nagpapakita lamang ang ganitong pamumuhay ng isang posibilidad: maaaring hindi talaga nagsuko ng buhay kay Kristo ang taong ito. Pangalawa, itinuturo sa atin sa mga talatang ito na mayroong tiyak na kaparusahan ang pagsuway at paggawa ng kasalanan. Bagamat minamahal at pinatatawad tayo ng Diyos, mararanasan pa rin natin ang masakit na epekto ng ating pagsuway kapag hindi tayo sumunod sa Kanya. Tiniyak din ng Diyos na didisiplinahin Niya tayo kapag hindi tayo sumunod. Tulad ng mapagmahal na ama na dinidiplina ang kanyang mga anak para matulungan silang magdesisyon ng tama sa kanilang buhay, gayundin naman ang ating Amang nasa langit na itinutuwid tayo upang maranasan natin ang Kanyang mga biyaya at maiwasan ang hindi magandang kahihinatnan ng mga maling desisyon.

Pangwakas na salita sa katiyakan ng ating relasyon kay Kristo

Kahit alam natin ang mga pangako ng Diyos na hindi Niya tayo iiwan at na kailangan lamang na humingi tayo ng kapatawaran para maibalik tayo sa tamang *fellowship* sa Kanya, minsan pakiramdam natin ay hindi Niya tayo pinatawad. Palagay natin ay mayroon pa tayong dapat gawin para idagdag sa ginawa na ni Hesus para sa kabayaran ng ating mga kasalanan. O di kaya, naniniwala tayo sa kasinungalingan ni Satanas na hindi tayo mapapatawad ng Diyos dahil para sa Kanya napakabigat ng nagawa nating kasalanan.

Ang diagram sa ibaba ay isang mabuting paalala sa atin tungkol sa kaugnayan ng ating parkiramdam at sa katotohanan ng Salita ng Diyos.



Makina
(Ang Diyos at ang
Kanyang Salita)

Gasolina
(Ang ating
pagtitiwala sa Diyos
at sa kanyang Salita)

Pampasaherong Karo
(Bunga ng ating
pagtitiwala at
pagsunod sa Diyos)

Tatakbo ang tren kahit wala ang pampasaherong karo. Hindi maaaring tumakbo ang tren kung ang pampasaherong karo ang hihila. Katulad din nito, hindi dumedepende ang mga Kristiyano sa pakiramdam o emosyon kundi sa pagtitiwala sa katapatan ng Diyos at sa mga pangako Niya sa Kanyang Salita.

Kung ang pakiramdam mo ay hindi ka mapapatawad ng Diyos, alalahanin mo lang ang mga pangako Niya sa Biblia na ang personal na relasyon natin sa Kanya ay permanente at maaring manumbalik ang *fellowship* natin sa Kanya sa pamamagitan ng paghingi ng tawad sa Kanya at pagtalikod sa ating mga kasalanan. Nangako ang Diyos na tayo ay Kanyang papatawarin at ibabalik Niya ang ating magandang relasyon kay Hesus!

Maglaan ng ilang sandali upang pasalamatang ang Diyos para sa kasiguruhan ng ating kaligtasan at sa katiyakan ng ating relasyon kay Kristo.

EXPERIENCE (PAGSASABUHAY)

1. Ano ang gagawin mo ngayong linggong ito kung sakaling nakagawa ka ng kasalanan?
2. Ngayong alam mo nang may pangwalang hanggang katiyakan ka sa iyong relasyon sa Diyos, ano ang gagawin mo ngayong linggong ito kung sakaling magduda ka sa pagmamahal ng Diyos o sa iyong relasyon sa Kanya?
3. Isinuko mo na ba sa Panginoon sa panalangin ang iyong mga pag-aalinlangan?

EQUIP (PAGSASANAY)

On-the-Job Training (45 minuto)

Ipapakita sa iyo ng iyong *discipler* kung paano magbahagi ng Mabuting Balita gamit ang iyong one-minute testimony at ang “Ano ang Pinakamahalagang Desisyon Mo sa Buhay?” na *booklet*.

Obserbahang mabuti kung paano niya ito gagawin. Pagkatapos ng demo, magpraktis at idemo rin ito sa iyong *discipler* o sa ibang *Dgroup member*.

Ngayong linggong ito, ipanalangin ang iyong pamilya, mga kaibigan, mga kasama sa trabaho at ang mga tao na ipinapaalala sa iyo ng Diyos. Hilingin mo sa Diyos na pakinggan rin nila ang Mabuting Balita at ipagkatiwala rin nila ang kanilang mga buhay kay Kristo bilang sariling Panginoon at Tagapagligtas. Gamitin ang CCF Prayer Bookmark upang isulat ang mga pangalan ng mga taong ito na espesyal sa puso mo na nais mong ipanalangin.



IKA-LIMANG SESYON

PINAGMUMULAN NG KAPANGYARIHAN

Ang Banal na Espiritu

Paano ako mamumuhay na nakakapagbigay dangal sa Diyos?

Sa ika-apat na sesyon, natutunan natin na permanente ang relasyon natin sa Diyos. Kahit paminsan-minsan naliligaw tayo ng landas, ang kasalanan ay hindi nakapagududulot ng permanenteng pinsala sa ating relasyon sa Diyos. Naibabalik tayo sa kagalakan ng ating bagong buhay kay Kristo sa pamamagitan ng paghingi sa Diyos ng tawad sa nagawa nating kasalanan, pagtalikod dito, at panunumbalik sa Kanyang kalooban.

Pero higit na mainam kung lumalakad tayo ng tuluy-tuloy na may pagtatagumpay sa kasalanan! Sa paanong paraan tayo patuloy na makapamumuhay nang kalugud-lugod sa Panginoon? Sa araling ito, matututunan natin ang ilang mahahalagang prinsipyo na makakatulong sa atin upang lumago sa pagsunod kay Kristo.

EXPLORE (PAGSASALIKSIK)

Mag-isip ng mahirap na sitwasyon sa iyong buhay na pinagdaanan mo sa iyong trabaho, pamilya, kalusugan, pinansiyal, at iba pa. Sinu-sino ang mga tao na nagbigay sa iyo ng suporta na kailangan mo upang malampasan at mapagtagumpayan ang mahirap na sitwasyong iyon? Paano ka nila natulungan? Magsalitan sa pagbabahagi sa inyong *small group*.

MUNTING KAALAMAN

Walang sinuman ang makakapagsabi na narating niya ang tagumpay ng di umaasa kaninuman. Minsan sa ating ating buhay, lahat tayo ay nangangailangan ng tulong at suporta ng iba. Mayroong mga pagsubok sa buhay na napakahirap mapagtagumpayan sa pamamagitan lamang ng ating sariling lakas. Ipinangako ni Hesus sa kanyang mga alagad na may Isang laging tutulong sa kanila sa oras ng kanilang pangangailangan. Sa katunayan, hindi natin mapagtatagumpayan ang mga pagsubok sa buhay kung wala ang tulong na pangako ng Panginoon – ang Banal na Espiritu.

PAANO MAMUHAY NANG MAY KATAGUMPAYAN

Nabibigyan natin ng kaluguran ang Diyos kung namumuhay tayo nang may katagumpayan laban sa tukso at nang naaayon sa kalooban ng Diyos. Subalit paano nga ba tayo mamumuhay nang may katagumpayan?

Alamin kung ano ang Tatlong Pangunahing Pinagmumulan ng Tukso

A. Ang Mundo

Basahin ang Mga Taga-Roma 12:2, Mga Awit 119:9-11

1. Paano tayo hinuhubog ayon sa takbo ng mundo? Paano natin maiiwasan ang pag-ayon dito?

Ang Sistema ng Mundo

Tinutukoy ni Apostol Pablo sa talatang ito ang takbo ng isipan ng lipunan at kulturang ating ginagalawan, at kung paano tayo nito inilalayo sa Panginoon. Halimbawa, nakikita natin na mali lamang ang isang gawain kung may nakakita sa atin (katulad ng ‘beating the red light’ kapag walang nakikitang pulis, o ang pandaraya sa exam, o pagsasabi ng “white lie”). Dahil tanggap ito ng ating lipunan (“ginagawa ito ng lahat”), iniisip natin na OK lang ang mga ito. Pero may nakakita man o wala, tinatawag ng Salita ng Diyos na kasalanan ang pagsisinungaling, pandaraya at paglabag sa batas.

Sabi nga ng isang kanta, “God is watching us,” kahit walang nakakakita sa atin. Malinaw na malinaw na sinasabi sa Biblia: “Bawat kilos ng tao’y tinitingnan Niya, kahit gaano kadilim ay Kanyang nakikita, di maililihim ng tao ang taglay na sala.” (Job 34:21-22 MBB) Dapat hayaan nating baguhin ng Salita ng Diyos, ang Bibliya, ang ating isipanupang hindi tayo umayon sa gawi ng mundo o sanlibutan.

B. Ang Laman

Basahin ang Santiago 1:13-16; 2 Timoteo 2:22

2. Ano ang pinagmumulan ng tukso? Paano nangyayari na nauwi sa kasalanan ang mga tukso sa ating paligid? Paano natin mapagtatagumpayan ito? Ano ang dapat nating gawin kung natutukso tayo na gumawa ng kasalanan?

C. Ang Demonyo

Basahin ang Mga Taga-Efeso 6:10-12

3. Tingnan ang tinuturo ng Salita ng Diyos ukol sa pakikibaka laban sa Diablo at sa kanyang mga kampon.

Gamitin ang Tamang Estratehiya

Makikita sa Biblia ang ilang mahahalagang estratehiya na dapat nating gamitin upang makatakas sa kasalanan.

Ang Biblia at pagdasal upang talikuran ang mundo

Basahin ang Lucas 11:1-4

4. Sa tingin ninyo bakit isinama ni Hesus ang mga salitang “at huwag mo kaming dalhin sa tukso, subalit iligtas mo kami mula sa masama” (SND – Ang Salita ng Diyos) sa hulihan ng kanyang iniwang pattern o modelo sa panalangin? Ano ang kahalagahan ng panalangin sa pagtatagumpay sa tukso sa ating buhay?

Tumakbo Papalayo sa Tawag ng Laman

Basahin ang 1 Mga Taga-Corinto 15:33-34

5. *Mga Tao.* Ayon sa mga talatang ito, ano ang panganib na maidudulot ng matagal na pakikisalamuha sa mga tao na hindi sumusunod kay Kristo? Sinu-sino ang mga tao na lagi mong kasama? Naeengganyo ka ba nila na sumunod kay Kristo?

Labanan ang Diyablo

*Basahin ang Mga Taga-Efeso 6:10-12, Santiago 4:7,
at 1 Mga Taga-Corinto 10:13*

6. Ano ang gagawin natin kung tinutukso tayo ng Diyablo? Ano ang ipinangako ng Diyos na gagawin Niya para sa atin?

Manatili sa Presensiya ng Banal na Espiritu sa Lahat ng Pagkakataon

Basahin ang Mga Taga-Galacia 5:16, Roma 8:5-6

Hindi nauunawaan ng maraming tao kung ano o sino ba ang Banal na Espiritu. Kanilang iniisip na isa lamang Siyang walang buhay na puwersa o kapangyarihan, katulad ng sinasabing “force” sa Star Wars. Pero ang totoo, ang Banal na Espiritu ay Diyos. Siya ang ikatlong persona ng Trinity kung saan bilang isa sa tatlong miyembro ng Godhead, kapantay niya ang Ama at ang Anak. Dahil Siya ay Diyos, alam Niya ang lahat ng bagay (omniscient), makapangyarihan sa lahat (omnipotent), at lahat ng dako ay nasa kanyang harapan at abot ng Kanyang kamay (omnipresent). Tinutulungan Niya tayo sa mga pinagdaraan nating pagsubok. Binibigyan Niya tayo ng kaginhawaan. Ginagabayan Niya tayo sa katotohanan.

At ang pinakamahalaga, nananahan Siya sa kalooban natin at nagbibigay sa atin ng lakas upang makasunod kay Kristo. Sinasabi na imposibleng maisabuhay ang buhay Kristiano. Isa ito sa maraming panunuya sa Kristyanismo. Dahil sa kapangyarihan ng Banal na Espiritu na nananahan sa atin, nakakayanan nating sumunod sa Panginoon. Ginagawa ng Banal na Espiritu na maging posible ang mga bagay na imposible.

7. Ano ang bunga kapag ikaw ay nakapailalim sa kalooban ng Banal na Espiritu?

Ano ang pagkakaiba ng tao na kontrolado ng Espiritu at ang kontrolado ng kanyang makasalanang sarili?

Basahin ang Mga Taga-Efeso 5:18

8. Ano ang iniutos ng talatang ito? Pupuspusin ba kayo ng Diyos ng Kanyang Banal na Espiritu kung hihilingin mo?

Ano ang ibig sabihin ng “mapuspos ng Espiritu”?

Sa Mga Taga-Efeso 5:18 pinaghambing ni Pablo ang pagiging puspos ng Banal Espiritu at ang pagiging lasing sa alak. Hindi na kayang kontrolin ng isang lasing ang kanyang mga galaw. Hindi niya kakayaning lumakad ng matuwid kapag pinalakad siya sa linya. Siya ay nasa “ilalim ng impluwensiya” ng alak na kanyang nainom.

Ibig sabihin, “nasa ilalim ng impluwensiya” mismo ng Diyos ang isang Kristiano na puspos ng Banal na Espiritu. Nagbabago na ang kanyang pamumuhay. Nagkakaroon siya ng kapangyarihan mula sa Banal na Espiritu upang mamuhay ng naayon sa nais ng Diyos at hindi na sa pansariling kagustuhan. Ang Banal na Espiritu ang kumikilos at nagbibigay sa atin ng kakayahan na mamuhay ayon sa kalooban ng Diyos.

EXPERIENCE (PAGSASABUHAY)

Maglaan ng ilang sandali na kausapin ngayon ang Diyos na puspusin ka ng Kanyang Espiritu upang makita mo na sa iyong buhay ang katagumpayan laban sa kasalanan.

Una, humingi ka ng tawad sa bawat kasalanan na iyong nagawa sa Panginoon. Angkinin ang Kanyang pangako sa 1 Juan 1:9 (MBB): “Kung ipinapahayag natin ang ating mga kasalanan, maaasahan nating ipatatawad sa atin ng Diyos ang mga ito at lilininis tayo sa lahat ng ating kasamaan sapagkat Siya’y matuwid.”

Pagkatapos, batay sa kanyang utos sa iyo sa Mga Taga-Efeso 5:18, hilingin sa Kanya na puspusin ka ng Banal na Espiritu upang makasunod ka at malugod mo ang Panginoon sa pamamagitan ng Kanyang kapangyarihan, at hindi mula sa iyong lakas. Sabihin ng taus puso na nais mong ipailalim ang iyong buhay sa Kanya, at hilingin ang Banal na Espiritu na bigyan ka ng lakas sa bawat sandali na mamuhay para sa ikalulugod Niya.

EQUIP (PAGSASANAY)

On-the-Job Training (30 minuto)

Ibahagi ang iyong one-minute testimony at ang Mabuting Balita sa iyong kasama sa trabaho ngayong linggong ito. Kung nagbigay siya ng positibong tugon, gumawa ka ng *follow-up* meeting sa kanya sa loob ng 48 oras. Gamitin ang Book 1: One by One sa iyong *follow-up* at sa mga susunod ninyong pagkikita.

IKA-ANIM NA SESYON

NAG-IISANG HANGARIN

*Lumago sa Ating
Relasyon kay Kristo*

Paano ako lalago sa aking relasyon sa Diyos?

Kung minsan ka nang "na-in love", alam mo na ang pakiramdam kung paano magkaroon ng matinding pagnanais na mas makilala pa ng lubusan ang iyong minamahal. Para sa mga may asawa na, naiintindihan nila na dalawang magkaibang bagay ang pagpasok sa isang relasyon at ang pagpapanatili ng mainit na pagtitinginan ng dalawang taong nagmamahalan.

EXPLORE (PAGSASALIKSIK)

Magsalitan ang bawat isa sa pagbabahagi sa inyong grupo...

1. Isang *skill* o kasanayan na natutunan mo noong bata ka pa na patuloy mong ginagamit ngayon.
2. Isang *skill* o kasanayan na sinisikap mong pag-aralan sa iyong buhay pero hindi mo pa rin magawa ng maayos.

LEARNING NUGGET

May isang popular na ideyang nagsasabi na kailangan ng 10,000 oras na matinding pagsasanay upang maging eksperto sa isang larangan ng disiplina tulad ng musika, mga isport, sining, kasanayan sa pagluluto, at iba pa. Totoo man into o hindi, karaniwang napapansin na nagiging mahusay ang isang tao sa isang bagay kung pinagsisikapan at nageensayo ng wasto sa loob ng mahabang panahon. Totoo din ito maging sa ating pakikipag-ugnayan sa mga tao at sa Panginoon. Kailangan nating magbigay ng wastong oras at disiplina sa pagpapalago ng ating relasyon at pagmamahal sa Diyos.

Paglago sa Iyong Relasyon kay Kristo

Sa pagpasok mo sa personal na relasyon sa Diyos, nagsisimula pa lang ang iyong paglalakbay sa malalim na pagkilala sa Kanya. Kailangang patuloy na lumago ang inyong relasyon ni Hesu-Kristo. Ang pagpapalago ng relasyon ay maaaring maihalintulad sa pagpapalaki ng mga halaman sa isang hardin.

Ang Talinghaga Tungkol sa Apat na Uri ng Lupa

Tulad ng isang malusog na halaman na lumalaki sa pamamagitan ng tamang pagsasaayos ng taniman at karampatang pag-aalaga, gayundin naman ang ating relasyon kay Kristo. Ginamit ni Hesus ang talinghaga tungkol sa apat na uri ng lupa upang isalarawan ang iba't ibang klase ng paglago ng mga tao na nakarinig ng Mabuting Balita.

Basahin ang Mateo 13:1-9; 18-23

1. Anu-ano ang apat na uri ng lupa na inilarawan sa talinghagang ito?
 - a. Ano ang katangian ng matigas na lupa sa tabi ng daan? Ano ang nangyari sa Salita ng Diyos na nahasik dito?
 - b. Ano ang katangian ng mabatong lupa? Ano ang nangyari sa Salita ng Diyos na nahasik dito?
 - c. Ano ang katangian ng madawag na lupa? Ano ang nangyari sa Salita ng Diyos na nahasik dito?

- d. Ano ang katangian ng mabuting lupa? Ano ang nangyari sa Salita ng Diyos na nahasik dito?

Maayos na Paglago sa Relasyon kay Kristo

Nagsimula ka ng isang bagong relasyon kay Kristo nang tinanggap mo si Siya sa iyong buhay. Noon, maaaring kilala mo lang ang Diyos ngunit ngayon mo lang na siya nakilala ng personal. Patuloy na lumalago ang ating relasyon kay Kristo habang nag-uukol tayo ng panahon sa Kanya at sumusunod sa Kanyang nais para sa ating buhay.

May ilang mga mahahalagang elemento sa pagbuo ng isang maayos na relasyon kay Kristo. Ipinapakita sa atin ng sumusunod na diagram ang mga elementong ito:



The Growth Wheel, hinango mula sa The Navigators

Isang buhay na may pagsamba (A life of worship)

Dapat na nakapagbibigay ng karangalan at kaluwalhatian kay Kristo ang lahat ng ating ginagawa. Naipapahayag natin ng malinaw ang pagsamba kapag nagsasama-sama tayo para sumamba tuwing araw ng Linggo. Ngunit nakapagbibigay dapat ng karangalan kay Kristo ang lahat ng ating ginagawa – kahit nasa trabaho man tayo, nasa bahay, nasa eskuwelahan, o naglalaro man.

Si Kristo ang sentro (Christ the center)

Umiikot ng maayos ang gulong kung si Kristo ang sentro ng ating buhay.

Pagsunod ayon sa kapangyarihan ng Banal na Espiritu (Obedience in the power of the Holy Spirit)

Ang pagsunod kay Kristo ang susubok sa katapatan ng pananampalataya ng isang Kristiyano – kung saan makikita natin na nagiging ganap ang ating relasyon kay Kristo sa mga pagsubok na ating nararasan sa araw-araw nating pamumuhay.

Ang patayong mga arrow (vertical) ng gulong ay tumutukoy sa ating relasyon kay Kristo:

Panalangin (Prayer)

Mahalaga ang palaging pakikipag-usap sa Panginoon sa paglago at paglalim ng ating relasyon sa Kanya. Ginagawa natin ito sa pamamagitan ng pananalangin.

Salita ng Diyos (God's Word)

Bawat relasyon ay nakasandig sa komunikasyon na bukas at may pagbibigayan (two-way). Kailangan nating masusing makinig sa Panginoon sa pamamagitan ng regular na pagbabasa ng Biblia o Bible study, at sa pagsunod sa iniutos Niya sa atin.

Ang pahalang na mga arrow (horizontal) ng gulong ay tumutukoy sa ating relasyon sa mga taong nakapaligid sa atin:

***Fellowship sa ibang mga mananampalataya
(Fellowship with other believers)***

Ang pananampalataya ay hindi nilayon para gamitin sa ating sariling buhay lamang. Kailangang lumago tayo sa Panginoon na magkakasama, nagmamahalan at nagpapalakasan sa pamamagitan ng regular na pagtitipon kasama ang iba pang mga mananampalataya.

Pagpatotoo (Witnessing)

Ang simpleng ibig sabihin nito ay ipakilala natin si Kristo sa mga taong nasa paligid natin. Nais ni Kristo na tayo'y maging kasangkapan upang maiugnay sa Kanya ang ating pamilya, mga kaibigan at mga mahal sa buhay. Bahagi ng buhay ng bawat lumalagong Kristiyano ang pagiging witness o saksi para kay Kristo.

Pagpapalago ng Ating Relasyon kay Kristo

Makikita ang lahat ng mga elementong nabanggit sa buhay ng unang iglesia.

Basahin ang Mga Gawa 2:42-46

2. Ano ang ginawa ng mga unang Kristiyano matapos nilang makilala ang Panginoon?

Sa Pamamagitan ng Panalangin

Basahin ang 1 Juan 5:14-15

3. Ano ang sinasabi ng mga talatang ito sa atin tungkol sa ating mga panalangin?

Sa Pamamagitan ng Salita ng Diyos (Ang Biblia)

Basahin ang Mga Awit 119:105; Josue 1:8

4. Ano ang sinasabi ng mga talatang ito sa atin tungkol sa Salita ng Diyos?

Ang panalangin at Salita ng Diyos (ang Biblia) ang dalawang pangunahing elemento na makatutulong sa atin upang lumago at lumalim ang ating relasyon sa Diyos.

Ang panalangin ay pakikipag-usap sa Diyos patungkol sa anumang laman at nais ng ating mga puso, at ang paghingi ng tulong, patnubay at ng Kanyang pagkilos sa ating buhay.

Ang Biblia ay ang pangunahing paraan ng Diyos sa pakikipag-usap Niya sa atin. Sa pamamagitan nito, sinasabi ng Diyos sa atin kung sino Siya at kung paano tayo mamumuhay para sa Kanya. Sinasabi rin nito kung paano tayo susunod sa Kanya sa pamamagitan ng kapangyarihan ng Banal na Espiritu, upang maging kalugud-lugod sa Kanyang harapan.

Halimbawa ni Hesus

Basahin ang Mateo 14:23 at Lucas 5:15-16

5. Paano mo isasalarawan ang ministeryo at buhay ni Hesus? Paano Siya tumugon sa maraming bagay na inaasahan mula sa Kanya?

Kung si Hesus, sariling Anak ng Diyos, ay kailangang madalas na mapag-isa upang maglaan ng oras sa Kanyang Ama, higit na mas kailangang gawin natin ito.

Paano Magkaroon ng Quiet Time

“*Quiet time*” ang tawag sa oras na inilalaan mo sa araw-araw para makipagtagpo sa Panginoon upang lumago ka sa iyong relasyon sa Kanya.

- Pumili ng isang lugar kung saan hindi ka maaabala at kung saan makakapag-*concentrate* ka.
- Mamili ng oras na gising na gising ka, hindi gahol sa oras, at kung saan magagawa mo ito ng walang palya.
- Magdala ng sarili mong Biblia, ballpen at notebook para maisulat mo ang mga prayer request at mga bagay na itinuro sa iyo ng Panginoon mula sa Kanyang Salita.
- Magsimulang maglaan ng ilang minuto sa bawat araw sa Panginoon. Sa kalaunan, maaaring gusto mo nang mas habaan ang iyong oras habang patuloy mo pa Siyang nakikilala.
- Maging *creative* o malikhain. Kahit na pare-pareho ang mga pangunahing elemento ng *quiet time* (pananalangin, pagpupuri, pagbabasa ng Biblia, pag-awit, pagnilay-nilay sa Salita ng Panginoon, at iba pa.) marami namang paraan kung paano gugugulin ang oras sa Panginoon.

Pagpapalago ng Ating Relasyon sa mga Tao

Sa Pamamagitan ng Fellowship

Mga Hebreo 10:4-25

6. Ano ang itinuturo ng mga talatang ito na dapat gawin ng mga mananampalataya?

Sa Pamamagitan ng *Witnessing*

Mga Gawa 1:8

7. Ano ang sinabi ni Hesus na gagawin at tatanggapin ng mga disipulo? Ano ang ginagawa ng isang saksi?

1. Balikang muli ang apat na uri ng lupa. Anong uri ka ng lupa sa ngayon? Anong uri ng lupa ang gusto mong maging katulad? Ano ang dapat mong gawin upang maging mabuting lupa?

2. Basahin ang Mga Gawa 4:18-20; Juan 4:39-42
Ano ang iniutos kina Pedro at Juan na huwag nilang gawin? Ano ang kanilang isinagot? Ano ang ginawa ng Samaritana matapos niyang makausap si Hesus? Paano niya naimpluwensihan ang mga tao sa lugar nila?

Nangyari na ba na pinagsabihan ka na huwag magsasalita sa iba tungkol kay Kristo? Ano dapat ang sagot mo? Ano ang mga hakbang na gagawin mo upang maibahagi mo si Kristo sa iba?

3. Maglaan ng oras para sa pagbabasa ng Biblia at sa pananalangin. Kung makakapagbasa ka ng kahit sampung minuto bawat araw, maaari mong matapos ang Biblia sa loob ng isang taon!

4. Kailan mo sisimulan ang regular na oras mo sa Diyos (pananalangin at pagbabasa ng Biblia) ngayong linggong ito?

Magpapasya ka ba na maglaan ng sampung minuto sa isang araw upang sistematikong basahin ang Biblia (Genesis – Pahayag), kahit na tig-dalawang kapitulo?

Ako ay nagpapasya na babasahin ko ang buong Biblia sa pamamagitan ng paggugol ng sampung minuto bawat araw upang magbasa ng kahit na tig-dalawang kabanata.

LAGDA

PETSA

EQUIP (PAGSASANAY)

On-the-Job Training (30 minuto)

Ipapakuwento sa iyo ng iyong *discipler* kung ano ang karanasan mo nang ibahagi mo ang iyong one-minute testimony at ang Mabuting Balita. Magbigay ng tapat na *feedback* at huwag kang mahiyang humingi ng tulong kung saan ka nahirapan.

Sa linggong ito, ibahagi ang Mabuting Balita gamit ang iyong *one-minute testimony* at ang “Ano ang Pinakamahalagang Desisyon Mo sa Buhay?” na *booklet* sa kasama mo sa trabaho o sa komunidad na ipinapanalangin mo. Kung positibo ang sagot ng taong ito sa pagbabahagi mo ng Mabuting Balita, tandaan mo na kailangan mong gawin ang *follow-up meeting* ninyo sa loob ng 48 oras. Gamitin ang Book 1: One by One sa iyong *follow-up* at sa mga susunod ninyong pagkikita.

ANO ANG SUSUNOD?

BOOK 2: SPIRITUAL DISCIPLINES *(Mga Disiplinang Pang-espirituwal)*

Congratulations! Natapos mo na ang Book 1: One by One. Taos puso kaming umaasa na sa tulong ng pag-aaral na ito, nagawa mong magpasya na magkaroon ng tunay na relasyon sa Diyos sa pamamagitan ni Hesus.

Tuwing pumapasok ka sa isang relasyon, naglalaan ka ng puwang sa iyong schedule, sa iyong budget, sa iyong mga kaibigan at maging sa iyong pamilya. Pinipili mong unahin ang relasyon na ito kaysa sa iba mo pang mga gawain. Ganito rin ang bagong buhay na kasama si Hesu-Kristo. Makakakita ng pagbabago sa kanyang lifestyle ang isang matapat na tagasunod ni Kristo bilang pagtugon niya sa presensiya ng Diyos sa kanyang buhay.

Ngunit ano ang ibig sabihin ng mabuhay kasama si Hesu-Kristo? Paano “bibigyang puwang” at uunahin ang Diyos sa gitna ng napaka-busy na buhay ngayong 21st century? Anong mga pagbabago sa iyong buhay ang inaasahan mong makita habang lumalago ka sa iyong pagkakakilala sa Panginoon? Ang mga ito at iba pang mga tanong (FAQs) sa buhay ng isang matapat na tagasunod ni Kristo ang pag-aaralan sa Book 2: Spiritual Disciplines.

Inaasahan naming magpapatuloy ka sa pagdiskubre ng mga bagay tungkol kay Hesu-Kristo at kung ano ang ibig sabihin ng Siya ay nasa iyong buhay!

SUGGESTED ANSWERS

(MGA IMINUMUNGKAHING SAGOT)

UNANG SESYON

1. Ang Diyos ay pag-ibig; pangunahing katangian Niya ang pagiging mapagmahal na Diyos.
2. Isang buhay na ganap at may kabuluhan; isang buhay na may layunin; isang buhay na may pagmamahal, kagalakan at kaligayahan.
3. Banal ang Diyos; hindi Siya nagkakasala at ganap Siyang hiwalay sa anumang may bahid ng kasalanan o marumi.
4. Katulad tayo ng mga tupa na NALIGAW ng landas.
5. Kung hindi natin sinunod ang isang bahagi ng kautusan, nagkasala pa rin tayo sa kabuuan ng kautusan ng Diyos; kahit iniisip natin na napakabait natin, kailangan nating maunawaan na kulang ang ating mabubuting gawa para malampasan ang mga hindi magagandang gawa.
6. Kamatayan – walang hanggang pagkahiwalay sa Diyos; walang nakapasa dahil lahat ay nagkasala.
7. Ipinakita ng Diyos ang Kanyang pagmamahal sa katulad nating makasalanan nang isakripisyo Niya ang kaisa-isa Niyang anak, si Hesus, na mamatay sa krus para sa kabayaran ng ating mga kasalanan (kamatayan); Inaalok Niya tayo ng regalo ng buhay na walang hanggan sa pamamagitan ng pananampalataya kay Hesu-Kristo.

IKALAWANG SESYON

1. Walang sinuman ang totoong humahanap sa Diyos at walang sinuman ang matuwid.
2. Lumabag tayo sa buong kautusan.
3. Nagmamayabang ang Pariseo sa kanyang mga mabubuting gawa. Minamaliit niya ang kolektor ng buwis. Nagpakumbaba sa

-
- harapan ng Diyos ang kolektor ng buwis. Inamin niya na siya ay makasalanan at nangangailangan ng awa ng Diyos.
4. Tayo ay naligtas ayon sa biyaya ng Diyos sa pamamagitan ng pananampalataya. Hindi tayo naligtas dahil sa ating mabubuting gawa – sa halip, kapag gumagawa tayo ng mga mabubuting gawa, nagpapakita lamang ito na tinutupad natin ang itinalaga na ng Diyos sa ating buhay noon pa man. Ang biyaya ay isang bagay na ating tinatanggap kahit hindi naman tayo karapat-dapat.
 5. Mapapasaatin ang isang regalo kung tatanggapin natin ito mula sa nagbibigay. Hindi natin kailangang bayaran ang isang regalo – binayaran na ang regalo ng magbibigay nito.
 6. Mga kriminal sila na nahatulan na at hindi “mabubuting tao.” Nangako si Hesus sa nagsising kriminal na isasama siya ni Hesus sa paraiso. Walang anumang ginawa (at maaaring gawin) ang kriminal sa krus para maging karapat dapat siya sa kaligtasan. Ang pananampalataya niya kay Hesus bilang Tagapagligtas ang tanging ipinakita niya.
 7. Hindi Niya tayo pinaparusahan ayon sa ating mga kasalanan at hindi Niya tayo ginagantihan batay sa ating pagkukulang. Inilayo Niya sa atin ang ating mga kasalanan.

IKATLONG SESYON

1. Ibinigay ng Diyos ang buhay na walang hanggan sa lahat ng nanampalataya sa Kanyang Anak. Oo, posible nating malaman na tayo ay may buhay na walang hanggan ayon sa mga talatang ito. Kaya nga nasulat ito para ating malaman ng may kasiguruhan. Makakatiyak ang isang tao sa buhay na walang hanggan base sa pangako ng Diyos na nakasulat sa mga talatang ito.
2. Hindi pababayaang mabuting pastol ang kanyang tupa, ibibigay niya ang kanyang buhay maprotektahan lamang ang kanyang tupa. liwan ng mga upahang pastol ang tupa kapag may panganib na paparating. Ibinigay ni Hesus ang Kanyang buhay para sa Kanyang mga tupa.

3. Ipinangako ni Hesus na walang isa man sa Kanyang mga tupa ang mamamatay o maaagaw mula sa Kanyang mga kamay. Walang sinuman ang makakaagaw sa kanila mula sa kamay ng Kanyang Ama, Siyang nakahihigit kahit kaninuman.
4. Bago na tayong nilalang. Aasahan ko na magiging kakaiba ang aking buhay mula sa luma kong pagkatao.
5. Masasabi natin na tunay ngang kilala natin ang Diyos kung sinusunod natin ang Kanyang mga utos. Nagpapakita ng katibayan ng kanyang pananampalataya kay Kristo ang tao na namumuhay kung paano mamuhay si Hesus.
6. Kailangang mahalín natin ang bawat isa. Ayon sa mga talata, isang patunay na nasa liwanag tayo kung minamahal natin ang ating mga kapatid. Yamang minahal tayo ng Diyos, nagpapakita kung paano Siya makitungo sa atin kung minamahal natin ang bawat isa.
7. Tinuturuan tayo ng kabutihan ng Diyos na magsabi ng “Hindi” sa mga maling paraan ng pamumuhay at makamundong kasiyahan.

IKA-APAT NA SESYON

1. Ipinangako ng Diyos na hindi Niya tayo iiwan o pababayaán man.
2. Dahil ipinangako ni Hesus na Siya ay mananatiling nasa atin, hindi tayo dapat mag-alala tungkol sa pagkawala ng ating kaligtasan.
3. Sila ay mag-ama at di magbabago ang kanilang relasyon. Mananatiling siyang anak ng kanyang ama kahit na siya ay umalis ng kanilang tahanan. Pero, nagbunga ng pagalayo ng kanyang damdamin sa ama ang ginawa ng anak. Hindi na niya nararanasan ang masaya nilang samahan o fellowship sa kanyang ama. Naibalik lamang ang fellowship na ito nang magbalik loob ang anak sa kanyang ama, na tinanggap siya ng may galak at may kapatawaran.
4. Kailangang humingi tayo ng tawad sa Diyos sa mga nagawa nating mga kasalanan. Patatawarin Niya tayo sa ating mga kasalanan at lilinisin sa ating mga karumihan.
5. Walang sinuman na nabubuhay sa Diyos ang patuloy na

nagkakasala. Ginagawa ng mga anak ng Diyos kung ano ang tama. Ipinapakita ng mga patuloy na nagkakasala dahil naniniwala sila na patatawarin naman sila ng Diyos, na hindi sila nabibilang sa Kanya.

6. Asahan natin na mayroong kapalit ang bawat kilos natin. Maaaring magbunga ng sirang relasyon sa iba, kahihyan, guilt, krisis na pinansiyal, atbp. ang kasalanan. Sa isang banda, nagbubunga ng kapayapaan, maayos na relasyon, buhay na may direksiyon at iba pang mga biyaya mula sa Diyos ang pagsunod.
7. Dinidisciplina ng mga ama ang kanilang mga anak. Kapag dinidisciplina tayo ng Diyos, ibig sabihin nito na inaari Niya tayong mga tunay na anak. Layunin Niya na turuan tayo para sa ikabubuti natin upang tayo ay maging makadiyos o maging katulad Niya.

IKA-LIMANG SESYON

1. Hinahayaan natin ang kaisipan ng mundo na impluwensiyahan tayo kung paano tayo mag-isip at kumilos; hayaan nating baguhin ang ating isip sa pamamagitan ng Salita ng Diyos.
2. Ang layaw ng ating laman; nagsisimula ito sa paglalaro sa ating isipan, pagkatapos ay sa pag-iisip na gawin ito, pagkatapos ay sa paggawa na nito; huwag tayong magpapadala sa masasamang kaisipan; Isapuso ang Salita ng Diyos sapagkat inilalayo tayo nito sa kasalanan. Tumakbo papalayo sa tukso dahil hindi natin dapat inilalapat ang ating sarili sa sitwasyon kung saan matutukso tayo.
3. Nais Niyang lagi tayong manalangin upang mapagtagumpayan natin ang kasalanan. Binibigyan tayo ng kalakasan ng Diyos na magsabi ng “Hindi” sa mga tukso sa pamamagitan ng panalangin.
Ang Diablo ang ating kaaway sa labang espiritwal; kailangan nating maging matatag sa pamamagitan ng pakikiisa natin sa Diyos, pagdepende sa kapangyarihan Niya, at pagsuot ng baluting kaloob ng Diyos para manalo sa labanang ito.

4. Nahihimok tayo ng mga taong masasama na huwag sumunod kay Kristo.
5. Ang Diablo at ang kanyang mga kampon; sa pamamagitan ng pagsusuot ng baluti ng Diyos – ibigkis sa baywang ang sinturon ng katotohanan, isuot sa dibdib ang baluti ng katuwiran, isuot ang sandalyas ng pagiging handa sa pangangaral ng Magandang Balita ng kapayapaan, gawing panangga ang pananampalataya, isuot ang helmet ng kaligtasan, at gamitin ang tabak ng Espiritu (ang Salita ng Diyos). Lumayo sa Demonyo at siya ay lalayo sa atin. Hindi tayo bibigyan ng pagsubok ng Diyos na imposible nating malampasan; lagi Niya tayong bibigyan ng paraan upang malampasan ito.
6. Hindi natin magagawa ang kagustuhan ng laman. Hindi nararanasan ng taong kontrolado ng laman ang maayos na buhay espirituwal, masaya at may kapayapaan ang buhay ng taong kontrolado ng Banal na Espiritu.
7. Iniuutos nito na mapuspos tayo ng Banal na Espiritu; oo, dahil alam natin na ito ang kagustuhan Niya na mapuspos tayo ng Espiritu.

IKA-ANIM NA SESYON

1. Ang apat na uri ng lupa – matigas, mabato, madawag, at mabuting lupa.
 - a. Hirap ang binhi na kumapit sa lupa at lumago sa matigas na lupa sa tabi ng daan. Bumagsak sa matigas na puso (katulad ng matigas na lupa sa tabi ng daan) ang Salita ng Diyos, pagkatapos kinuha ni Satanas (katulad ng mga ibon) ang naihasik sa kanyang puso.
 - b. May konting lupa para makatubo ang binhi sa batuhang lupa, kaya lang hindi ito sapat para lumalim ng husto ang ugat. Ang lupang ito ay puno ng mga batong iba't iba ang laki. Sa kalaunan, mamamatay din ang halaman dahil hindi gaanong makatubo ang ugat. Tinanggap ng mga taong ito

ng may kasiyahan ang Mabuting Balita ng kaligtasan dahil sa mga pangakong inaalok nito. Lumago sila ng sandali noong una pero dahil wala halos silang ugat o kulang sa lalim ang pagkakatubo, madali silang nanlamig nang dumating ang problema at pag-uusig sa kanila. They grow a little initially, but since it has no roots or lacks real depth, when trouble or persecution comes they quickly fall away.

- c. Inaagawan ng sustansiya, tubig, sinag ng araw at espasyo ang halaman sa madawang lupa. Nang lumago ang mga dawag, sinikil nito ang mabuting binhi at hindi na nito makayanan pang lumago at magbunga. Nakarinig ang taong ito ng Salita pero dahil sa mga alalahanin at problema sa buhay at sa mapanlinlang na kayamanan, napipigilan siyang makapamunga. Maaaring umagaw ng oras ng bagong mananampalataya ang mga gumugulo sa kaniyang isipan (*distractions*) at mga problema sa relasyon (*conflicts*), dahilan para hindi siya makapagmuni-muni at makapagnilay-nilay ng Salita ng Diyos para lumago. Ang paghabol sa mga materyal na bagay ay nakakaabala sa mga mananampalataya, kung kaya ang mensahe ng Salita ng Diyos ay nawawalan ng puwang sa kanilang puso at hindi nagkakaroon ng bunga.
 - d. Ang binhi na nahasik sa binungkal at ihindang lupa. May tamang lalim ang pagtubo ng ugat ng binhing ito, may espasyo, at mamasa-masa ang lupa para lumago at mamunga. Magandang lupa dapat ang mga mananampalataya; napakinggan nila ang Salita at tinanggap ito. Ito ang totoong mga disipulo, ang mga tumanggap kay Hesus, naniwala sa Kanyang mga salita, at hinayaan ang Kanyang Salita na magpalago at gumawa ng pagbabago sa kanilang buhay.
2. Nagtipun-tipon sila para manalangin, para mag-aral ng Salita ng Diyos, para mag-*fellowship*, at para magbahagi ng Mabuting Balita sa iba. Ginawa rin nila ito upang mapalago ang mga tagasunod ni Hesu-Kristo.

-
3. Nakikinig ang Diyos sa ating mga panalangin. Ang pananalangin na ayon sa kalooban ng Diyos ang susi para ibigay ng Diyos ang anumang hilingin ng mga mananampalataya.
 4. Kailangan nating pagbulay-bulayan ang Salita ng Diyos araw-araw. Ito ang nag-iisang panukat ng ating pananampalataya at pag-uugali. Tutulungan tayo ng Salita ng Diyos na maging matagumpay ayon sa pamantayan ng Diyos upang lumago sa pananampalataya at para maging katulad ni Kristo.
 5. Ipinakita sa buhay at ministryo ni Hesus ang panalangin at magandang relasyon sa Ama. Maraming tao ang sumunod sa Kanya para makapakinig ng Kanyang pangangaral at para mapagaling sa kanilang mga sakit pero sinisigurado ni Hesus na mayroon Siyang panahon para mapag-isa kasama ng Ama at na Siya ay regular na makakapanalangin.
 6. Kailangang lagi tayong magtipun-tipon para sumamba sa Diyos, magbahagi ng ating pananampalataya at magpalakasan sa bawat isa sa ating paglakad sa buhay Kristiano. Kailangang masayang nagpapalakasan ang bawat isa lalo na sa panahon na may mga hamon sa buhay at paghihirap.
 7. Tatanggap ng kapangyarihan ang mga disipulo mula sa Banal na Espiritu para maging mga saksi. Ang pagiging saksi para kay Kristo ay ang pagbabahagi sa iyong mga kaibigan, kapamilya at mga kasama ng mga ginawa Niya sa buhay mo.

APPENDIX A

**ANO ANG
PINA-KAMAHALAGANG
DESI-SYON MO
SA BUHAY?**

Mayroong apat na katotohanan na dapat nating lubos na maintindihan:

I. Mahal ka ng Diyos at nais niyang ikaw ay...

- **Magkaroon ng buhay na walang hanggan sa piling niya.**

“Sapagkat gayon na lamang ang pag-ibig ng Diyos sa sangkatauhan, kaya’t ibinigay niya ang kanyang kaisa-isang Anak, upang ang sinumang sumampalataya sa kanya ay hindi mapahamak, kundi magkaroon ng buhay na walang hanggan.” **(Juan 3:16)**

- **Magkaroon ng masagana at makabuluhang buhay kasama Siya.**

“Dumarating ang magnanakaw para lamang magnakaw, pumatay, at manira. Naparito ako upang ang mga tupa ay magkaroon ng buhay, isang buhay na masagana at ganap.” **(Juan 10:10)**

Sa kabila nito, maraming tao ang hindi nakararanas ng makabuluhang buhay at hindi nakasisiguro kung sila’y may buhay na walang hanggan dahil...


II. Likas na makasalanan ang tao, kaya’t nawalay siya sa Diyos.

- **Ang lahat ay nagkasala.**

“Sapagkat ang lahat ay nagkasala, at walang sinumang nakaabot sa kaluwalhatian ng Diyos.” **(Roma 3:23)**

- **Ang kabayaran ng kasalanan ay kamatayan.**

“Sapagkat kamatayan ang kabayaran ng kasalanan...” **(Roma 6:23)**



May tinutukoy na dalawang uri ng kamatayan ang Bibliya:

1. Pisikal na Kamatayan

"Itinakda sa mga tao na sila'y minsang mamamatay at pagkatapos ay ang paghuhukom." (Mga Hebreo 9:27)


2. Espirituwal na kamatayan o walang hanggang pagkawalay sa Diyos.

"Subalit malagim ang kasasapitan ng mga duwag, ng mga taksil, ng mga nagpapasasa sa kasuklam-suklam na kahalayan, ng mga mamamatay-tao, ng mga nakikiapid, ng mga mangkukulam, ng mga sumasamba sa diyus-diyosan, at LAHAT NG MGA SINUNGALING. Ang magiging bahagi nila'y sa lawa ng nagliliyab na asupre. Ito ang pangalawang kamatayan. (Pahayag 21:8)

Kung ang tao ay nawalay sa Diyos dahil sa kanyang kasalanan, ano ang solusyon sa problema niyang ito?

Madalas nating iniisip na ang relihiyon, mabuting gawa, at kabutihang asal ang mga solusyon.


Ngunit iisa lang ang solusyon na galing sa Diyos.



III. Si Hesu-Cristo lamang ang tanging daan patungong langit.

• Ito ay pahayag ng Diyos.

Sa **Juan 14:6**, sinasabi ni Hesus, "Ako ang daan, ang katotohanan, at ang buhay. Walang makakapunta sa Ama kundi sa pamamagitan Ko."




- **Ganap Niyang binayaran ang kaparusahan ng iyong mga kasalanan.**
 “Sapagkat si Cristo na walang kasalanan ay namatay nang minsan para sa inyo na mga makasalanan, upang iharap kayo sa Diyos...” **(1 Pedro 3:18)**
- **Patunay ang Kanyang muling pagkabuhay na Siya ay anak ng Diyos — ang Mesiyas at tanging Tagapagligtas.**
 “Ay tungkol sa kanyang Anak, ang ating Panginoong Hesu-Cristo. Tungkol sa kanyang pagiging tao, siya’y ipinanganak mula sa lahi ni David. At tungkol naman sa Espiritu ng kabanalan, ipinahayag siya bilang Anak ng Diyos sa pamamagitan ng isang makapangyarihang gawa, ang kanyang muling pagkabuhay.” **(Roma 1:3–4)**
- **May pangako Siyang buhay na walang hanggan.**
 “Ang sumasampalataya sa Anak ay may buhay na walang hanggan. Ngunit ang hindi sumusunod sa Anak ay hindi magkakaroon ng buhay. Sa halip, mananatili sa kanya ang poot ng Diyos.” **(Juan 3:36)**

Ngunit hindi sapat na malaman lang natin kung ano ang ginawa ni Hesu-Kristo.

IV. Kailangan nating ilagay ang ating pananampalataya sa Panginoong Hesu-Cristo para tayo’y maligtas.

- **Ang kaligtasan natin ay dahil sa kagandahang-loob ng Diyos sa pamamagitan ng pananalig kay Hesu-Cristo.**
 Sapagkat dahil sa kagandahang-loob ng Diyos kayo ay naligtas sa pamamagitan ng pananampalataya; at ang kaligtasang ito’y kaloob ng



Diyos at hindi sa pamamagitan ng inyong sarili; hindi ito bunga ng inyong mga gawa kaya't walang dapat ipagmalaki ang sinuman. (Efeso 2:8–9)

Base sa **Efeso 2:8–9**, kung ang kaligtasan ay maaaring ilahad sa pamamagitan ng formula, alin sa mga sumusunod ang sa tingin mo ay tama?

Pananalig kay Hesus + mabuting gawa = Kaligtasan

Pananalig kay Hesus + walang mula sa atin = Kaligtasan

Sa **Efeso 2:10**, sinasabi sa atin na ang mabuting gawa ay bunga ng ating kaligtasan: "Sapagkat tayo'y nilalang ng Diyos; nilikha sa pamamagitan ni Cristo Jesus upang iukol natin ang **ating buhay sa paggawa ng mabuti**. Iyan ang layuning pinili ng Diyos para sa atin noong una pa man."

Ang mga mabuting gawa ay hindi paraan upang maligtas, kundi isang katibayan o bunga ng ating kaligtasan.

- **Ipinapakita natin ang ating pananampalataya kay Hesu-Cristo sa pamamagitan ng:**

1. Pagtanggap ng Kanyang regalong buhay na walang hanggan
2. Pagtalikod sa ating mga kasalanan
3. Pagsuko ng mga buhay natin sa Kanya

Sapagkat kamatayan ang kabayaran ng kasalanan, ngunit ang libheng kaloob ng Diyos ay buhay na walang hanggan, sa pamamagitan ni Cristo Jesus na ating Panginoon. (**Roma 6:23**)

"Ang sinumang nagnanais sumunod sa akin ay kinakailangang itakwil niya ang kanyang sarili, pasanin ang kanyang krus, at sumunod sa akin." (**Mateo 16:24**)

- **Ipinangako ng Diyos na makatitiyak kang mayroon kang buhay na walang hanggan kung mananampalataya at magtitiwala ka kay Hesu-Cristo.**

"Isinusulat ko ito sa inyo upang malaman ninyo na kayong sumasampalataya sa Anak ng Diyos ay may buhay na walang hanggan." (**1 Juan 5:13**)

Ito ang desisyon na magtatakda ng iyong panghabambuhay na tadhana.

Maaaring nagtiwala ka na sa Diyos sa maraming bagay, ngunit ngayo'y **nais Niyang magtiwala ka sa Kanya lamang para ikaw ay maligtas. Ipinagkaloob Niya sa iyo ang kapatawaran at buhay na walang hanggan, at nais Niyang magkaroon ng personal na relasyon sa iyo.**

Handa ka bang magtiwala at sumunod kay **Hesu-Cristo bilang iyong Panginoon at Tagapagligtas?**

Ipanalangin mo ito ng may pananampalataya:

Panginoong Hesus, maraming salamat sa labis Mong pagmamahal sa akin. Inaamin kong ako'y makasalanan at ihinihingi ko ito ng Iyong kapatawaran. salamat sa Iyong pagkamatay sa krus upang bayaran ang lahat ng aking kasalanan.


Magmula ngayon, ako'y magtiwala sa Iyo bilang aking Panginoon at Tagapagligtas. Tinatanggap ko ang Iyong kaloob na buhay na walang hanggan at isinusuko ko ang buhay ko sa Iyo.

Tulongan Mo akong sumunod sa lahat ng iyong utos at maging nakalulugod sa Iyo. Amen.

Kung nagtiwala ka na kay Hesu-Cristo, nangyari na sa iyo ang mga sumusunod:

- **Ngayon, mayroon ka nang buhay na walang hanggan kasama ang Diyos.**

“Sapagkat ito ang kalooban ng aking Ama: ang lahat ng kumilala at sumampalataya sa Anak ay magkaroon ng buhay na walang hanggan. At sila’y muli kong bubuhayin sa huling araw.”
(Juan 6:40)



- **Ang lahat ng kasalanan mo ay bayad na at napatawad na.**
(noon, ngayon, at sa hinaharap)

“Iniligtas niya tayo sa kapangyarihan ng kadiliman at inilipat sa kaharian ng kanyang minamahal na Anak, na nagpalaya at nagdulot sa atin ng kapatawaran sa ating mga kasalanan.”
(Colosas 1:13–14)

- **Ikaw ay bago nang nilalang sa paningin ng Diyos.**
Simula na ng iyong bagong buhay.

“Kaya’t kung nakipag-isa na kay Cristo ang isang tao, isa na siyang bagong nilalang. Wala na ang dati niyang pagkatao, sa halip, ito’y napalitan na ng bago.” (2 Corinto 5:17)

- **Ikaw ay naging anak ng Diyos.**

“Subalit ang lahat ng tumanggap at sumampalataya sa kanya ay binigyan niya ng karapatang maging mga anak ng Diyos.”
(Juan 1:12)

Ngayon ang iyong kapanganakang espirituwal. MALIGAYANG KAARAWAN!

At bilang pag-alaala sa iyong pagkatanggap sa Diyos,
basahin ang mga sumusunod at lagdaan ang iyong pangako.

**"Ngayon, ako'y nagtiwala kay Hesu-Cristo bilang aking Panginoon
at Tagapagligtas at tinanggap ko ang kaloob Niyang buhay na walang
hanggan. Mula ngayon, susundin ko si Hesus habang-buhay."**

Pangalan

Petsa

Ikaw ngayon ay mayroon nang personal at permanenteng relasyon sa ating Panginoong Hesu-Cristo. Upang lumalim sa iyong relasyon sa Kanya:

- **Manalangin sa Diyos araw-araw.**
Ito ay ang pakikipag-usap sa Diyos.
- **Magbasa ng Biblia**
Dito ka kakausapin ng Diyos. Umpisahan mo sa ebanghelyo ni Juan. Magbasa ng isang kabanata araw-araw at humingi ng gabay sa Banal na Espirito upang maunawaan ito.
- **Maging bahagi ng isang maliit na grupo.**
Kilalanin mong mas mabuti ang Diyos at mabuhay nang nakalulugod sa Kanya.
- **Dumalo sa isang simbahang naniniwala sa Biblia upang matuto tungkol sa Diyos at kung paano Siya purihin at pararangalan.**
- **Ibahagi ang booklet na ito sa iyong pamilya, mga kaibigan, at iba pa.**

APPENDIX B

ONE MINUTE WITNESS™

*Isa sa Pinakamadaling Gamiting
Kasangkapan sa Pagbabahagi ng
Pananampalataya (Faith-Sharing)!*

Pagbabahagi ng aking pananampalataya, Sino, ako?

Kailangan ka ng iyong bansa...
Kailangan ka ng iyong mga kaibigan...
Kailangan ka ng iyong Tagapagligtas...
Para bigyan sila ng pag-asa!

Hindi ka ba nagagalak na may isang tao na nagbahagi ng kanyang pananampalataya sa iyo? Kung si Hesus ang kasagutan, hindi ba dapat na maging aktibo tayo sa pagbabahagi ng Kanyang solusyon sa iba pang nasa makasalanang mundong ito?

Ako, ibahagi ang aking pananampalataya? Oo. Pinili ka at ako ng Diyos upang maging mga ambasadador Niya, ang Kanyang tagapagsalita, ang Kanyang pusong tumitibok. Bakit? Dahil wala nang iba pang mas makapagpapahayag ng pagmamahal Niya na nakakapagbago ng buhay kundi ikaw at ako! Tayo ang mga tropeo ng Kanyang grasya.

Maaaring iniisip mo na ang pagbabahagi ng Mabuting Balita ay napakahirap o gawain lamang ng isang pastor. O di kaya nag-aalala ka na baka may magtanong sa iyo ng mahirap na tanong.

Hindi na bago ang mga saloobin at mga takot na ito. Sinasalamin lamang nito ang 'malikhaing pag-iisip' na kabahagi ng ating kawalan ng tatag at tiwala sa sarili. Sa katunayan, inaanyayahan ng Diyos ang lahat ng mga mananampalataya na magbahagi ng kanilang pananampalataya.

Hindi lang ang nababahaginan ng ating pananampalataya ang tumatanggap ng biyaya kundi tayo rin. Dagdag pa rito, ibinigay nga sa atin ng Diyos ang Banal na Espiritu upang tulungan tayo at nang hindi natin ito gawin nang mag-isa. Magdesisyon tayo na wag pakinggan ang tinig ng takot at hilingin sa Diyos na bigyan tayo ng ‘espirituwal na pandinig upang marinig ang Kanyang tinig!

Kaya nating LAHAT na gawin ito. May bitbit na kwento ang bawat isa sa atin, at maibabahagi natin ito ng madali at masaya sa pamamagitan ng **ONE-MINUTE-WITNESS™** tool. Matapos matutunan at gamitin itong **ONE-MINUTE-WITNESS™** tool, sabi ng isang pastor, “Sa aking isipan, marami akong nasayang na panahon sa hindi ko pagbabahagi ng pananampalataya ko pero ngayon magagawa ko ito ng may tiwala sa sarili.”

AT MAGAGAWA RIN NINYO ...

GINAGARANTIYAHAN KO ITO!

Tom Elie
International Evangelist

Pinadaling Paraan ng Evangelism

(Pagbabahagi ng Mabuting Balita)

Makakapagpabago ng iyong buhay at makakapagbigay sa iyo ng lakas sa pagbabahagi ng iyong pananampalataya nang walang takot ang **One-Minute-Witness™** tool. Marami na ang gumagamit nito. Kaya subukan mo... para sa mga tao na nais maabot ng Diyos sa pamamagitan mo!

Ang One-Minute Witness Tool

1. Permission (Paghingi ng Permisyo)
2. B.C. (Before Christ)
3. T.P. (Turning Point)
4. A.D. (Anno Domini)
5. "Kung hindi ko nakilala si Kristo..."

Permission

(Paghingi ng Permiso)

*Gamitin ang iyong mga daliri para makatulong sa iyo
na madaling matandaan ang 5 hakbang na ito!*

Dahil mahal ng Diyos ang mga tao, nais Niyang ibahagi natin si Hesus sa kanila: maging kaibigan man o hindi natin kilala. Ito ang isa sa magandang paraan para mag-umpisa: **Permission (Paghingi ng Permiso)**

Kapag humihingi tayo sa tao ng permiso na ibahagi ang nilalaman ng ating isipan, itinatrato natin sila nang may respeto, at maluwag nila tayong pagbibigyan. Narito ang paraan para maibaling o madala mo sa paksang gusto mo ang inyong pag-uusap...

“Okey lang ba na magtanong sa inyo?” Kung sinabi niyang oo, itanong mo sa kanya...

“Ano sa tingin ninyo ang pinakamagandang nangyari sa buhay ninyo?”

Sigurado na ngingiti ang tao sa tanong na iyan. Bakit? Kasi nasaling ang kanyang iniingatang alaala na nagbibigay sa kanya ng kasiyahan ng puso kapag naiisip niya ito. Pagkatapos ng kanyang pagkukuwento tanungin mo naman siya...

“Puwede ko bang ikuwento rin ang pinakamagandang bagay na nangyari sa akin?”

Gawing maikli lamang ito. Ihasik ang punla ng Mabuting Balita sa loob ng 60 segundo; ito ang **‘ONE-MINUTE-WITNESS™’**. Makakatulong ang maikling kuwento upang maakit ang pansin ng kausap mo.

NGAYON ITO NA ANG ORAS UPANG SIMULAN ANG IYONG KUWENTO...

B.C. (Before Christ)

Umpisahan ang iyong B.C. story.

Tayong lahat ay mayroong “B.C. story,” ang ating buhay **‘BEFORE CHRIST’** o bago natin nakilala si Hesus. Ano ang buhay mo bago ka nagkaroon ng personal na relasyon kay Hesus? HINDI KO SINASABING bago ka unang nagsimba o nakumpilan. ANG IBIG KONG SABIHIN ay kung kailan mo tunay na isinuko ang iyong puso at buhay kay Kristo.

Dito natin uumpisahan ang pagsulat ng IYONG “B.C. story.” Una, mag-isip ng tatlong salita (pang-uri) na naglalarawan ng iyong buhay bago mo nakilala si Hesus.

Marahil malungkot ka, bigo o walang direksiyon. Marahil matagumpay ka pero tila walang kabuluhan ito sa iyo, pakiramdam mo nakokonsensiya ka sa mga kasalanan mo o balisang-balisa ka. Maaring wala ka nang pag-asa sa buhay o galit sa Diyos o takot mamatay. At marami ka pang puwedeng idagdag sa listahan mo.

Maaaring katulad mo rin ako. Isinuko mo ang iyong buhay kay Kristo noong bata ka pa at di mo na maalala ang eksaktong sandali ng pangyayaring iyon. Kahit bata pa ako noon, may mga bagay akong naaalala: ang pangangailangan ng kapatawaran, ang pakiramdam na nakokonsensiya sa mga nagawang kasalanan, at ang magkaroon ng kaalaman na mayroon ngang Diyos.

Habang inaalala mo ang iyong “B.C. days,” unti-unting nagkakaroon ng hugis ang IYONG KUWENTO. Ituloy mo lang at tapusin ang pangungusap sa ibaba na may tatlong salita o mga salita na naglalarawan ng buhay mo at isulat ito sa pahina 90.

“May panahon noon sa aking buhay na...”

T.P. (Turning Point)

Magsimula ng iyong T.P. story

Sa bawat tao ay dumarating ang panahon na sila ay nagkakaroon ng *curiosity* sa mga espirituwal na bagay, ang panahong nakita nila ang kanilang pangangailangan sa Diyos. Ito ang iyong **TURNING POINT**.

Maaaring nangyari ito sa panahong nasa church service ka, sa panahon ng krisis o mabigat na problema, nang gumaling ka mula sa iyong sakit, o nang sinagot ang iyong panalangin. Maaaring nangyari ito nang may nagbahagi sa iyo ng kanilang pananampalataya o nang nakaranas ka ng tagumpay, pero tila may kulang pa rin.

Ganito ang laman ng “T.P.” ko: “Isang araw may isang tao na nagbahagi sa akin tungkol sa isang Diyos na tunay na nagmamahal sa akin. Siya ay personal na Diyos at tunay na nalalapitan, at inanyayahan Niya ako na mamuhay nang walang hanggan sa langit kasama Niya. Kaya lang may problema ako. Perpekto ang langit pero ako ay hindi, kaya hindi ako makakapasok duon. Subalit ang Diyos na ito, na nagngangalang Hesus, ang gumawa ng paraan para sa akin. Bumaba Siya sa mundo 2,000 taon na ang nakakaraan at Siya ang naging perpektong sakripisyo. Namatay Siya para sa akin upang alisin ang aking mga kasalanan. Kinailangan ko lang tanggapin ang Kanyang regalo na inaalok sa akin. Kaya sinabi ko kay Hesus na patawarin Niya ako at inanyayahan ko Siya na pangunahan ang aking buhay.”

ANO NAMAN ANG ‘TURNING POINT’ MO? Paano mo nalaman ang tungkol kay Hesus? Ano ang sinabi mo kay Hesus na gawin sa buhay mo? Isulat ito sa pahina 90.

A.D. (Anno Domini)

Magsimula ng iyong A.D. story

'ANNO DOMINI' ang ibig sabihin ng A.D. Isang Latin na salita ito na may ibig sabihin na 'ang taon ng ating Panginoon.' Ito ang pinakamadali at nakakaaliw na bahagi ng ating istorya dahil pag-uusapan natin ang mga positibong pagbabago na ginawa ni Kristo sa ating buhay. Ito ang ilan sa mga benepisyo ng ating pagkakilala kay Kristo at ang mga pagbabago na ginawa niya sa ating buhay: nagkaroon ng panibagong kagalakan, nagkaroon ng layunin at katuparan ang mga naisin natin sa buhay, di na binabagabag ng konsensiya, may bago nang mga kaibigan, at ang katiyakan ng buhay na walang hanggan. Isinasalarawan nito ang ama na tuwang-tuwa nang bumalik sa kanilang tahanan ang kanyang anak na naligaw ng landas. "Sapagkat namatay na ang anak kong ito, ngunit muling nabuhay; nawala, ngunit nasumpungan." (Lukas 15)

Ganito ang istorya ng A.D. ko, "Simula nang sinabi ko kay Hesus na maging hari ng buhay ko, nagkaroon ako ng bagong direksiyon, bagong kasiyahan, at nagkaroon ng katiyakan na pupunta ako ng langit sakaling mamatay ako."

MAG-ISIP NG TATLONG SALITA NA NAGLALARAWAN NG POSITIBONG PAGBABAGO NA GINAWA NI KRISTO SA IYONG BUHAY.

Hindi naman ito mahirap, di ba? Pumunta sa pahina 90 kapag nakaisip ka na ng iyong isasagot.

"Kung hindi ko nakilala si Kristo..."

Kumpletuhin ang iyong kuwento

Isipin mo kung ano kaya ang buhay mo kung hindi mo nakilala si Hesus. Nakakatakot isipin, di ba? Siguradong hindi mo mararanasan ang mga biyaya na binanggit mo sa iyong A.D.

Tapusin natin ang iyong istorya, ano kaya ang iyong buhay kung hindi mo nakilala si Kristo. Sa iyong pagsasalita pakikilingan ng iyong tagapakinig kung ano ang nilalaman ng iyong puso. Sinasabi ng ilang tao na maaaring may kulang pa ang kanilang buhay, walang kabuluhan o hinahanap pa rin kung ano ba ang layunin nila sa kanilang buhay. Sinasabi ng iba na maaaring sila ay nakakulong na, nalulong sa ipinagbabawal na gamot, hiwalay na sa asawa, o di kaya patay na. Naging napakasaklap o miserable marahil ng kanilang buhay. Kapag tapos ka na, pasalamat na sila sa kanilang pakikinig.

May nagsabi sa akin na ang karaniwang tao ay pitong beses munang nakapakinig ng Mabuting Balita bago nila isinuko ang buhay nila kay Kristo. Hindi natin pangunahing layunin ang madala sila kay Kristo kundi maitanim ang punla ng ating patotoo. Kung may resulta na higit pa dito, bonus na ito!

Maaari mong sagutin ang kanilang mga tanong kung nais pa nilang makipag-usap sa iyo. Huwag mo lang hayaang mapunta ang pag-uusap ninyo patungkol sa doktrina. Ang pagbabahagi na mula sa puso ang kapangyarihan ng iyong kuwento. Katulad lang ito ng isang bulag na nagsabi, "Hindi ko po alam kung siya'y makasalanan o hindi... isang bagay ang alam ko: dati akong bulag ngunit ngayo'y nakakikita na." (Juan 9:5 MBB)

Tapusin ang pangungusap na ito at isulat ang inyong sagot sa pahina 91.

KUNG HINDI KO NAKILALA SI HESUS... NAKILALA SI HESUS...

Tapusin ang pangungusap na ito na may tatlong pang-uri o phrases (parirala)...

“May panahon noon sa aking buhay na...”

1

2

3

Ano ang inyong ‘turning point’?

1. Paano mo nalaman ang tungkol kay Hesus?

.....
.....
.....

2. Ano ang sinabi mo kay Hesus na gawin sa buhay mo?

.....
.....
.....

Ilarawan ang positibong pagbabago na ginawa ni Kristo sa iyong buhay.

Isulat ang tatlong naging pakinabang sa buhay mo.

1

2

3

Ano kaya ang buhay mo kung wala si Kristo?

“Kung hindi ko nakilala si Kristo, ako...”

.....

.....

.....

.....

.....

.....

.....

.....

.....

.....

.....

Pagbalik-aralan Natin

1. Permission (Paghingi ng Permiso)
2. B.C. (Before Christ)
3. T.P. (Turning Point)
4. A.D. (Anno Domini)
5. “If I had not met Christ...”

Pag-anyaya sa Banal na Espiritu

Ang **ONE-MINUTE-WITNESS™** ay isa lamang tulong para maging madali na maibahagi mo ang *life-changing* o nakakapagpabagong buhay na kuwento ni Hesus. HINDI ito ang mensahe, isa lamang itong kasangkapan. Kailangang magtiwala tayo sa pangunguna ng Banal na Espiritu at ang Kanyang kakayahan na mailapit ang lahat ng tao kay Hesus (tingnan ang Juan 12:32 sa sinabi ni Hesus).

Madalas lumalapit si Hesus sa mga taong hindi Niya kilala... katulad ng babae sa balon, kay Zaqueo na umakyat sa puno, at kay Mateo na kolektor ng buwis. Sa ibang pagkakataon nagiging malapit ang mga ito sa Kanya at nababahagin ng Salita ng Diyos, pero mas inuuna Niya na sundin ang tinig ng Kanyang Ama. Kaya kailan, paano, at kanino mo ibinabahagi ang iyong pananampalataya? Simulan ang bawat araw sa ganitong panalangin at hilingin ang Banal na Espiritu na pangunahan ka sa tao na nais Niyang kausapin mo.

“Mahal na Panginoong Hesus, narito po ako na nagpapagamit sa Inyo. Bigyan Nyo po ako ng oportunidad na makapagbahagi ng aking istorya ngayong araw na ito. Amen.”

Palalimin Pa Natin...

Matapos ibahagi ang ONE MINUTE WITNESS, maaari mo silang tanungin ng ganito:

1. “Kung sakaling mamatay ka ngayong gabi, sa tingin mo ba ay mapupunta ka sa langit?”
2. “Ano sa tingin mo, paano kaya makakapasok sa langit ang isang tao?”
3. “Puwede bang ibahagi ko sayo ang sinasabi ng Biblia kung paano ka makakapunta sa langit?” Kung “oo” ang sagot nila, ibahagi mo ang ‘ABCs.’

‘A’- ADMIT

Aminin na nakagawa ako ng mali at nahiwalay ako sa banal na Diyos dahil sa kasalanan. (Roma 3:23)

‘B’- BELIEVE

Maniwala na namatay si Hesu-Kristo para mapatawad ako, at nabuhay Siyang muli, bilang katibayan na Siya ang totoong nag-iisang Diyos. (Roma 10:9-10)

‘C’- CONFESS

Ipahayag kay Hesus ang aking mga kasalanan at sabihin sa Kanya na maging hari ng puso ko. (1 Juan 1:9)

Kung naintindihan na nila ang ABC, tanungin mo sila ng pangunahing tanong na ito: **“Ano ang makapipigil sa iyo para isuko mo ng buong-buon ngayon ang iyong buhay kay Hesu-Kristo?”**

Kung walang makapipigil sa kanila, tanungin mo naman ng ganito, **“Sa tulong ng Diyos, desidido ka ba na tumalikod sa tinatawag ng Bilia na ‘kasalanan,’ at sumunod kay Hesus sa araw-araw?”**

Pagtatapos ng Iyong Kuwento...

Kung sinabi niya na “oo,” sabihin mo sa kanila na sumunod ng taos puso sa panalangin na sasambitin mo gamit ang ABC. Kapag tapos na sila, batiin mo sila ng “*Congratulations!*” Sabihin rin sa kanila ang 3 bagay na dapat nilang gawin: pagbabasa ng Biblia araw-araw, pagdarasal araw-araw, at humanap ng *Bible-believing church* para madadaluhan nila linggo-linggo. Makipagpalitan ka ng e-mail at numero ng telepono. Kontakin mo sila ulit sa loob ng 24 oras para batiin. Basahin ang Juan 3:16-17 sa kanila at tanungin kung ano ang ibig sabihin nito sa kanila. Itanong kung ano ang *prayer request* nila at imbitahan sila na sumama sa iyo sa church o sa iyong *small group*.

PARA SA MAGANDANG *FOLLOW-UP* PUNTAHAN
ANG MGA WEBSITE NA ITO:

www.frostygrapes.com

www.salvationpoen.com

Handa ka na ngayon, kaibigan, para sa pangwalang hanggang paglalakbay. Hilingan ang isang kaibigan para maging partner sa pagbabahagi ng iyong pananampalataya sa mga susunod na 7 araw. I-email sa amin ang magiging resulta. Sikapin natin na maging witness tayo sa araw-araw... simulan natin ngayon!

Kung nais mong sumama sa iba pang mga tao na seryoso sa pagnanais na lumago ang kanilang pananampalataya, sumali sa:

www.oneminutewitness.org

Magpalista up sa aming website upang makatanggap ng aming **LIBRENG** One Minute Witness e-mail sa bawat linggo. Ito ay maggaganyak sa iyo na magpokus sa mga bagay na tunay na mahalaga para sa magpasa-walang hanggan... ang mga kaluluwa!

Para maka-order ng **ONE-MINUTE-WITNESS™** booklet, bumisita lamang sa aming website na nasa itaas o sumulat sa:

Oasis World Ministries
PO Box 2244
Maple Grove, MN 55311 USA
763-425-9355 . info@oneminutewitness.org

© 2009, revised 2014. Oasis World Ministries. Written by Tom Elie and Oasis World Ministries. All rights reserved. No part of this booklet may be changed in any way or reproduced in any form without written permission from Oasis World Ministries. V6.

*Available rin ang **ONE-MINUTE-WITNESS™** booklet sa CCF Center Bookstore o puwedeng umorder sa opisina ng CCF Center Admin Office.

APPENDIX C

**MGA TIP SA
PAGGAMIT NG
"ANO ANG
PINA-KAMAHALAGANG
DESIYON MO SA
BUHAY?" BOOKLET**

*Adapted mula sa
Campus Crusade for Christ*

-
- ✓ Maging sensitibo sa gabay ng Banal na Espiritu.
 - ✓ Ang pinakamainam na paraan sa paggamit ng booklet ay ang basahin ito ng malakas at hindi nilalapatan ng dagdag na impormasyon o kaya'y pansariling paliwanag.
 - ✓ Makipag-usap sa iyong natural na boses at hindi parang inaartehan ito.
 - ✓ Kung magkaroon ng mga tanong na maglilihis sa paksa, tingnang mabuti kung mula ito sa puso o isa lamang paraan para mailihis ang usapan. Kung may gustong malinawan ang iyong kausap tungkol sa Mabuting Balita, hangga't maaari ay magbigay ng maikli at diretsong sagot na maiintindihan. Ipakita mo ang mga talata sa Biblia kung saan nakabatay ang iyong sagot.
 - ✓ Maging sensitibo sa antas ng interes ng iyong kausap. Kung nawawalan na siya ng interes o wala nang kibo, tumigil sandali at itanong, “Nagkakaroon ba ng sagsay sa iyo ang pinag-uusapan natin?” o katulad na tanong upang mapukaw ulit ang interes ng kausap.
 - ✓ Hawakan ng maayos upang malinaw na nababasa ang booklet. Gumamit ng pen para maituro ang ilang mga key points. Makakatulong din ito upang makuha ang pansin ng tao na binabahagin mo.
 - ✓ Bigyan mo ng kopya ng booklet ang lahat kung nagbabahagi ka sa higit sa isang tao. Sabihin na sumunod ang bawat isa habang ikaw ay nagbabahagi. Pagdating sa parte ng panalangin, pangunahan ang mga interesado na tumanggap kay Kristo at sabihin ang ganito:

“Kung gusto ninyong tanggapin si Hesus bilang inyong Panginoon at Tagapagligtas, sumunod lamang kayo sa akin sa ganitong panalangin...”

Magbibigay ito ng pagkakataon sa lahat ng nasa grupo na tanggapin si Hesus kung gusto nila.

APPENDIX D

**PAANO
PAKIKITUNGUHAN
ANG IBA'T IBANG
TUGON
SA IMBITASYON
SA PAGTANGGAP
KAY KRISTO**

Tagubilin: Sa iyong paglalalahad ng Mabuting Balita, kung nasa ika-15th pahina (ipanalangin mo ito ng may pananampalataya) ka na ng “Ano ang Pinakamahalagang Desisyon Mo sa Buhay?” na *booklet*, basahin mo lang kung ano ang nakasulat. Matapos mong basahin hanggang sa bahagi ng panalangin, magtanong ka ng ganito, **“Gusto ninyo bang manalangin at tanggapin si Kristo sa inyong puso?”** Hintayin mo munang sumagot ang iyong kausap at saka magpatuloy, gamitin mo ang mga sumusunod na gabay upang matulungan ka na tumugon sa kanila ng tama.

Kanilang Sagot	Iyong Tugon	Susunod na Hakbang/Kumento
OO	<p>Tumugon ka ng katulad nito, “Nakakatuwa naman! Sige, mananalangin ako ulit pero sa pagkakataong ito ay sumunod ka sa aking panalangin.”</p> <p>Gabayan sila sa panalangin ng dahan-dahan (phrase by phrase) at tiyaking naririnig nila para makasunod sila sa iyo.</p>	<p>Kung gusto nilang manalangin ng tahimik ganito ang sabihin mo, “Ito ang booklet at basahin mo ang panalangin na nakasulat dito. Habang ginagawa mo ito ng matahimik, gawin mo itong panalangin mula sa iyong puso na sinasabi mo kay Kristo. Imbitahan mo Siya na pumasok sa buhay mo. Kung tapos ka na, magsabi ka ng “amen,” para malaman ko na tapos ka nang manalangin.”</p> <p>May pagkakataon naman na sasabihin ng tao na gusto nilang manalangin na sila lang mag-isa o di kaya sasabihin na mamaya na lang. Sabihin mo, “Okey lang iyon. Dalhin mo na itong booklet na ito at sa oras na komportable ka, basahin mo ulit ito maya-maya o bago ka matulog. Kung dumako ka na sa parte ng panalangin, sambitin mo lang ang panalangin doon na kinakausap mo ang Panginoon. At kung tapos ka na, ituloy mo ang pagbabasa hanggang matapos mo ito.”</p>

Kanilang Sagot	Iyong Tugon	Susunod na Hakbang/Kumento
<p>HINDI PA AKO HANDA NA TANGGAPIN SI KRISTO o HINDI PA AKO HANDA NA MANALANGIN NG GANYAN</p>	<p>“Hayaan mong ipakita ko sa iyo kung ano ang mangyayari kapag inimitahan mo si Kristo sa iyong buhay.”</p>	<p>Magpatuloy sa mga pahina 16-17 at gumamit ka ng mga salitang panghinaharap (future tense) sa pagpapaliwanag mo ng puntos kung ano ang mangyayari kapag tinanggap nila si Kristo. Huwag mong basahin ang pangungusap na ito “Ngayon ang iyong kapanganakang espirituwal. MALIGAYANG KAARAWAN!”</p> <p><i>Maaaring hindi pa handa ang iba na manalangin dahil hindi nila ito maintindihang mabuti. Maaaring may mga tanong sila na masasagot kapag ipinaliwanag mo na kung ano ang mangyayari sa kanila kung manalangin sila.</i></p> <p>Matapos basahin ang mga pahina 16-17, tanungin ulit sila kung nais na nilang imbitahan si Kristo sa kanilang buhay.</p> <p>Kung sumagot sila ng “OO,” bumalik sa pahina 15 at pangunahan sila sa panalangin.</p> <p>Kung sumagot sila ng “HINDI,” sabihin ang ganito,</p> <p>“Iginagalang ko ang inyong desisyon, kung sakaling dumating ang oras na handa na kayo na tanggapin si Hesus bilang inyong Panginoon at Tagapagligtas, alam na ninyo kung paano. Salamat sa oras na ibinigay ninyo para magkausap tayo! Iliwan ko na ang booklet na ito sa inyo para mabasa ninyong muli kung nais ninyo.”</p>



APPENDIX E

**EVALUATION
TOOL PARA SA
PAGBABAHAGI
NG MABUTING
BALITA**

MD Peer Evaluation Tool para sa Evangelistic Presentation

Evaluator : Petsa:

Nagbahagi ng Gospel :

Paki-evaluate ang iyong partner/kasama batay sa sumusunod na mga criteria. Lagyan ng tsek ang tamang kahon sa ilalim ng hanay ng “evaluation” na tumutugon sa bawat criteria nito.

Lagyan ng komento para mapabuti pa ng iyong partner ang bawat evaluation mo na “medyo sumasang-ayon ako” at “di ako sumasang-ayon.”

MGA CRITERIA	EVALUATION
<p>1. Malinaw at Naiintindihan</p> <ul style="list-style-type: none"> • Naibahagi ng aking partner ayon sa pagkakasunod-sunod ang bawat puntos ng ebanghelyo. • Malinaw at naiintindihan ang boses ng aking partner. • Malinaw at madaling maintindihan ang bawat salita na binibitawan ng aking partner. 	<p><input type="checkbox"/> Sumasang-ayon ako</p> <hr/> <p><input type="checkbox"/> Medyo sumasang-ayon ako</p> <hr/> <p><input type="checkbox"/> Di ako sumasang-ayon</p>
<p>2. Koneksiyon</p> <ul style="list-style-type: none"> • Naipakilala ng maayos ng aking partner ang sarili niya. • Tinanong ako ng aking partner kung ano ang aking pangalan at nagbigay siya ng panahon para mapakinggan ang aking interes at pangangailangan. • Naiugnay ng aking partner ang aking mga pangangailangan o interes sa espirituwal na katotohanan. • Binigyan ako ng aking partner ng pagkakataon na basahin ang ilang mga talata. 	<p><input type="checkbox"/> Sumasang-ayon ako</p> <hr/> <p><input type="checkbox"/> Medyo sumasang-ayon ako</p> <hr/> <p><input type="checkbox"/> Di ako sumasang-ayon</p>

MGA CRITERIA	EVALUATION
<p>3. Maigsi Subalit Malaman (Conciseness)</p> <ul style="list-style-type: none"> • Naibaling sa ebanghelyo ng aking partner ang aming pag-uusap sa tamang oras. • Naibahagi ng aking partner ang ebanghelyo sa oras na kanyang hiniling. • Nagawa ng aking partner na di magbigay ng karagdagang paliwanag sa kung ano ang nakasulat sa <i>evangelistic tool</i>. 	<p><input type="checkbox"/> Sumasang-ayon ako</p> <hr/> <p><input type="checkbox"/> Medyo sumasang-ayon ako</p> <hr/> <p><input type="checkbox"/> Di ako sumasang-ayon</p>
<p>4. Kumpletong Natapos</p> <ul style="list-style-type: none"> • Naibahagi ng aking partner ng kumpleto ang bawat puntos ng ebanghelyo. • Binigyan ako ng aking partner ng pagkakataon na tumugon sa panalangin sa inaalok ni Kristo na kapatawaran, kaligtasan at buhay na walang hanggan. • Binigyan ako ng aking partner ng pagkakataon na maipahayag ko sa Diyos sa pamamagitan ng panalangin ang aking nais na sumunod kay Hesus bilang aking Panginoon. 	<p><input type="checkbox"/> Sumasang-ayon ako</p> <hr/> <p><input type="checkbox"/> Medyo sumasang-ayon ako</p> <hr/> <p><input type="checkbox"/> Di ako sumasang-ayon</p>